



江北運程卷二十四提綱

山東兗州府嶧縣至江南徐州府邳州境



八里跨左岸葛爐店墩嶧縣

八里跨河韓莊插嶧縣在嶧縣城西南

右岸過湖口雙插

八里跨右岸八里港嶧縣

八里三調灣嶧縣

六里跨河德勝插嶧縣

江北運程 卷二十四 提綱

六里跨河六里石插嶧縣

六里跨河張莊插嶧縣

六里跨河萬年插嶧縣

六里跨右岸花石廠嶧縣

六里跨河丁廟插嶧縣

八里跨河頓莊插嶧縣

四里跨左岸大泛口嶧縣

四里跨河侯遷插嶧縣

四里跨左岸高廟嶧縣

八里跨河臺莊嶧縣

五里 黃林莊嶧縣

右自朱姬莊起至黃林莊泃河行嶧縣境計程一百一里  
下入江南徐州府邳州界

江北運程

卷二十四 提綱

二

平天山南翁世祖莊

官自朱姬莊起至黃林莊泃河行嶧縣境計程一百一里

正里 黃林莊

八里 臺莊

江北運程卷二十四 一百一十里 運會 甘泉董恂醞卿甫輯

山東兗州府嶧縣至江南徐州府邳州境

泇河經嶧縣自朱姬莊上接滕縣入境起。

漕運紀程嶧縣縣丞一員該管河道南自黃林莊江南邳州界

起北至吳家橋滕縣界止計長一百一十里嶧汎淺鋪三十六

曰王家莊乾石橋臺莊插上渡口公館前屠子莊陳家莊閆家

淺侯遷插下朱家溝場發崖大泛口山河口龍家溝張家莊針

溝口榆樹溝孫家莊後賈家溝龍王泉萬年倉萬年插下渡口

萬年插上月河口舊牛山泉張家林乾溝口張莊插上橋口張

江北運程

卷二十四

一

莊插上人家頭六里石插上月河口大場發崖德勝莊北牛山

泉溝口疊路口北廣福莊渡口南岸八里溝北岸公館嘴韓莊

插上石工北頭額設徭夫一百一十五名五分內協撥禹王臺

工二名又於雍正五年新改河兵四十名張公奏議嶧縣河道

北自滕縣朱姬莊起南至江南邳州黃林莊止計長九十八里

插座八曰韓莊曰德勝曰張莊曰萬年曰丁廟曰頓莊曰侯遷

曰臺莊泇河廳冊嶧縣縣丞汎分駐兗州府嶧縣運河東岸臺

莊插地方經管河道北自滕縣交界吳家橋起南至江南邳州

交界黃林莊止計一百一十里所管徭夫七十三名半運河東

岸韓莊插上朱姬減插下建築攔河大埧一道長十九丈埧高

一丈八尺寬四丈上加土頂高四尺五寸又於該埧下水一面

澆築土餞底寬四丈頂寬一丈高二丈二尺五寸嘉慶十九年因湖水短絀

於重運過竣後將嶧汎韓莊插上朱姬減插下修攔河大埧

擡高水面俾運河下注之水悉由各減插入湖以資滯蓄二十

三年二十四年援照辦理嶧字石工四號吳家橋涵洞一座金門寬一丈一

尺兩岸由身各長二丈三尺五寸上雁翅各斜長八尺四寸下

雁翅各斜長八尺二寸共長八丈二寸砌石五層高六尺洩坡

水入運乾隆九年建四十八年嘉慶四年補修二十三年拆修嶧字土工十一號隄工一

段長二百丈底寬四丈四尺頂寬一丈高八尺五寸嶧字土工

十號隄工一段長一百四十四丈底寬三丈八尺四寸頂寬一

丈高七尺一寸嶧字土工九號隄工一段長一百五十丈底寬

三丈五尺六寸頂寬一丈高六尺四寸嶧字土工八號葛墟店

隄工一段長三百四十丈底寬三丈九尺六寸頂寬一丈高七

尺四寸嶧字土工七號隄工一段長一百丈底寬三丈八尺八

寸頂寬一丈高七尺二寸嶧字土工六號隄工一段長八十丈

底寬四丈四寸頂寬一丈高七尺六寸嶧字土工五號隄工一

段長二百丈底寬四丈四尺四寸頂寬一丈高八尺六寸嶧字

土工四號隄工一段長五十丈底寬四丈三尺二寸頂寬一丈

江北運程

卷二十四

高八尺三寸。嶧字土工三號隄工一段。長一百三十丈。底寬四丈一尺六寸。頂寬一丈。高七尺九寸。以上俱乾隆二十四年修築四十八年補修嘉慶四年重嶧字石工三號劉家口涵洞一座。金門寬一丈一尺。兩岸

由身各長二丈三尺五寸。上雁翅各斜長八尺四寸。下雁翅各斜長八尺二寸。共長八丈二寸。砌石五層。高六尺。洩坡水入運

乾隆九年建四十八年嘉慶四年補修二十三年拆修嶧字土工二號隄工一段。長二百

三十七丈。內除大營基八十丈。其餘一百五十七丈。底寬四丈四尺。頂寬一丈。高八尺五寸。乾隆二十四年修築四十八年補修嘉慶四年重修運河西

岸。嶧字石工十二號吳家橋湖面大石工一段。長一百八十丈。

### 江北運程

#### 卷二十四

三

砌石九層。高一丈八寸。河面土餞。底寬二丈。頂寬八尺。高八尺

四寸。乾隆七年建四十九年補修嘉慶四年閒段拆修嶧字石工十一號葛墟店湖面

碎石排椿工一段。長七百七十丈。椿內堆砌碎石。底寬七尺。頂

寬四尺。高七尺。石後築土。底寬二丈三尺。頂寬一丈二尺。高七

尺。上加土頂。底寬一丈六尺。頂寬一丈。高三尺。乾隆二十四年修築四十八年

補修嘉慶四年重嶧字石工十號官路口湖面大石工一段。長

二百六十丈。內北首二百丈。砌石七層。高八尺四寸。河面土餞

底寬二丈。頂寬八尺。高八尺。南首六十丈。砌石八層。高九尺六

寸。河面土餞。底寬二丈。頂寬八尺。高九尺。雍正十二年建乾隆十九年重修四十八

年及嘉慶  
四年補修

八里。左岸葛爐店墩。嶧縣

水程細數單。葛爐店墩。有汛。恂按。泖河廳冊作葛墟店。山東運河備覽作葛虛店。

八里。跨河。韓莊。嶧縣在嶧縣城西南。

明神宗實錄。萬曆二十二年九月戊戌。韓莊新河成。總督河道工部尚書舒應龍加太子少保。賞銀幣。管河主事尹從教。管河參政海清。參議邵以仁。同知羅大奎等。各升賞。紀錄有差。水道提綱。經微山湖北。又東南。爲韓莊。恂按。韓莊。萬里雲程。以此爲

### 江北運程

#### 卷二十四

四

第四十五。漕運紀程。韓莊。明萬曆三十一年開泖河時。建恂按。韓莊。德勝。張莊。萬年。丁廟。頓莊。侯遷。臺莊。八。插。運河。備覽。俱作萬曆三十二年。建。在德勝。插。西北。二

十里。插下有月河一道。北岸進水有疊路口。劉家水口。插西南鄰微山湖。進水有湖口。插。務歸併德勝。插。夫三十名。全漕

運道圖。嶧縣。韓莊。插。子午向。自滕縣。張阿。插。至此二十五里。一

統志。韓莊。插。在嶧縣西南運河上。自江南徐州府沛縣界之夏

鎮。插。而南。七十里。爲韓莊。插。有插官。又二十里。爲德勝。插。又二

十里。爲張莊。插。又八里。爲萬年。插。又十里。爲了廟。插。又六里。爲

頓莊。插。又二十里。爲侯遷。插。又八里。爲臺莊。插。向俱設有插官。

今惟萬年頓莊臺莊三牖有之。此縣境之八牖也。爲衛漕要地。張公奏議韓莊地居最上。與微山湖相接。河渠紀聞雍正六年。修泃河廳韓莊牖以束水勢。按自臺莊至韓莊八牖。層層關束。韓莊首接微湖水口十二。東西坡水入運。平山牛心壘路雞心。朱家等溝泉。皆引坡水入運者也。微山湖接濟運河之不足。首嚴啟閉。自韓莊迤下德勝六里張莊萬年丁廟頓莊侯遷至臺莊。地勢以次遞降。雖有湖口及山泉坡水濟運。而建瓴直瀉。必有牖以束水勢。水小下板收蓄不洩。爲運計也。水大牖不下板。開月河以放水。居濟一得云。韓莊以下八牖月河皆宜挑挖寬。

江北運程

卷二十四

五

深。使微山湖之水有所洩。則濟甯南鄉及魚沛徐邳之田不致淹沒。八牖月河皆淤。微湖水出荆山洩入彭家河之道亦淤。不能宜洩。須將月河挑深以備分洩湖水。濟甯魚臺一帶始不泛濫。此爲伏秋盛漲言之。春月微湖水小。自宜蓄以濟運。如乾隆

乙亥

何按二  
十年

孫集漫口。渾水直趨東南入微山諸湖。荆山橋等

河淤爲平地。湖不洩水。銅沛皆受淹浸。多方疏濬而始通。此不可爲常者也。轉漕衡湘筆記。月下泊韓莊牖。牖沒水中。須晝過。時前船早到。泊牖南。蕭芳五言。韓莊地勢最高。以水平較之。與高旻寺塔頂齊。八牖水勢溜疾。以此。是夜糧艘泊湖面。橫列成

陣。月明如晝。四顧蒼茫。令人憶曹孟德。釃酒臨江。橫槊賦詩。時十四日。風日晴和。曉起過韓莊。牖不可見。竹竿懸旗標識而已。舟之過牖。猶瞽之行路。迷離恟恍。寸步一移。煞甚費力也。漕運全書。東省八牖河道。與邳宿河道均係砂礮。歷年增長。而各山泉發水。噴砂。每年亦有停積。且八牖地勢原較江境高仰。應與江境運中河一律挑平。至大泛口等處。山水屢發。停淤更厚。乾隆四十九年。總漕毓奇等。勘估挑撈。於德勝莊二灣乾溝等三處。趕築東水草埧。以資擊束。並於中泓及東西兩邊沿河探量。統計韓莊上下及八牖水勢。自三尺五六寸至六七尺。不

江北運程

卷二十四

六

等。所有東省河道。估挑深處。必須與江省一體。以水深七尺爲度。至八牖。旣已挑深。韓莊至彭口一帶。亦有難以關攔之勢。現在該處水勢稍深。應以水深六尺爲度。估挑以期一律平順。實估挑河長一萬八千四百七十五丈。此原奏數也。續據奏明。覆勘形勢。尚有須順勢增挑一二十丈者。亦有尙可減去丈尺毋庸挑砌者。覈計增減。與原估銀數相符。內韓莊以下八牖工長一萬一千四百八十五丈。口寬六丈。底寬四丈。深一尺至四尺不等。韓莊以上至彭口。牖下工長六千九百九十丈。口寬五

六丈。底寬三四丈。深二三四尺不等。又大泛口挑口寬七丈。底寬五丈。深八尺。又大泛口內山河長一百丈。挑口寬十丈。底寬

六丈深五尺。至各工內水面灣曲處所。及各牖上下。均有旱灘。一律佔挑。泐河廳冊韓莊牖插官一員。管韓德二牖。牖夫四十八名。韓莊二十名。德勝二十八名。韓莊牖一座。金門寬二丈三尺。兩岸由身

各長二丈四尺。東岸上雁翅斜長七丈。下雁翅斜長八丈。西岸

上雁翅斜長五丈六尺。下雁翅斜長五丈八尺。兩岸共長三十

一丈二尺。原砌石二十一層。二次各加一層。共砌石二十三層。

高二丈七尺六寸。南至德勝牖二十四里。明萬曆二十年建設。乾隆十五年修加石

一層。二十三年加石一層。四十九年嘉慶四年補修。二十三年拆修。韓莊牖越河一道。長一百一

十三丈。嶧字土工一號隄工一段。長六十丈。底寬四丈五尺六

### 江北運程

#### 卷二十四

七

寸。頂寬一丈高八尺九寸。乾隆二十四年修築。四十八年補修。嘉慶四年重修。嶧字石工

二號迎水石埧一道。長三十丈。砌石七層。高八尺四寸。兩頭碎

石裏頭各長十丈。共長二十丈。乾隆二十四年。建嗣一律改修大石。共

長五十丈。石後築土。牽寬一丈二尺。高八尺四寸。以迎滾水埧

大溜。乾隆四十八年。改修嘉慶四年及二十五年補修。嶧字石工一號迎水石埧。下河

面碎石排椿工一段。長七十丈。椿內堆砌碎石。底寬六尺。頂寬

二尺。高九尺。石後築土。底寬一丈八尺。頂寬一丈二尺。高九尺。

上加土頂。底寬一丈四尺。頂寬一丈高二尺。乾隆四十八年。建嘉慶四年補修。

接前至德勝牖。隄堰高阜。並無工程。牛山泉山河一道。發源牛山入河濟。

運。循按原冊此下紀德勝牖及越河防風工至六里石牖詳下德勝牖條運河西岸嶧字石工九

號韓莊牖上下湖面大石工一段長四百四十二丈。砌石八層。

高九尺六寸。河面碎石排椿上鋪海漫二層。每層七路。寬八尺。

四寸。高二尺四寸。椿內堆砌碎石。底寬四尺。頂寬三尺。高六尺。

海漫石下中心填土。底寬五尺二寸。頂寬五尺四寸。高六尺。順治

十六年建雍正十三年重修乾隆十九年拆修四十九年重修嘉慶四年二十一年二十二年二十五年拆修嶧字石

工八號滾水石埧一道。長三十丈。砌埧脊二層。高二尺四寸。上

寬一丈三尺二寸。下寬一丈四尺四寸。石垛十四座。各長一丈

二尺。高四尺八寸。砌石八層。高九尺六寸。南北兩裏頭由身各

江北運程

卷二十四

長一丈四尺四寸。四雁翅各長四丈。砌石一層。高一丈二尺。上

建橋梁通繹。埧脊高於湖口牖底一丈。攔蓄湖水。水大則聽其

宣洩。水小則下板收蓄濟運。乾隆二十四年建三十年拆修並普律添砌槽石三十一年鑿槽加

板四十九年嘉慶四年均拆修上八層兩裏頭普面用石漫頂。搶修滾水埧外夾埧防風工一

道。長三十六丈。寬四丈。水下六尺。純用秫稻輓鑲。水上八尺。兩

邊鑲稻各寬一丈。中心填土。平寬二丈。上加土頂。底寬四丈。頂

寬三丈六尺。高一尺。共高一丈五尺。每年鑲修。循按原冊此下紀嶧字石工七

號湖口新橋及湖口舊牖湖口大埧通湖引渠暨伊家河等玉詳下湖口雙牖條

明申時行開濬韓莊新河記萬曆癸巳徐沛魚滕諸郡邑雨潦大作泉湖溢澗澗澆滔天漕隄潰決幾二百里運艘用阻

民乃墊溺維時總理河道工部尚書桂林舒公日夜憂維博圖方略乃與二三大夫相度籌畫議開韓莊支渠道呂孟赤山諸湖注之泇河東會沂水由周柳諸湖出邳宿河河道參以洩瀦水使不病漕詔下兩省撫按議報於是管理河道政梅君洵會夏鎮管牖主事尹君從教分守東兗參政楊君德政徐州兵備參政曹君時駿分循東兗副使趙君壽祺沂州兵備僉事邵君以仁偕往相閱對如初議兩省撫按以聞制曰可乃使梅君率郡邑佐吏以明年正月十日興工開渠自韓莊至彭河長六千六百餘丈凡四十里以地形爲差闢者十丈狹亦四丈深不減二丈五丈築隄自李家石橋至萬家莊兩岸共八千六百六十丈高三尺爲率基闊一丈頂半之湖口橫築土垣以爲關鍵渠口剏建石牖以備蓄洩凡役徭夫六百人募夫九千六百人作百二十餘日開渠築隄費凡三萬三千餘金建牖造橋費凡五千餘金比原估省萬八千金內帑工直居十之四河隄租稅居十之六民無與也以其年五月十六日告成適值雨潦水不鴻洞湖面減於去歲可三四尺漕舟無阻民得田作梅君等具以狀報公乃奏聞上曰河工告成諸臣勞績可嘉晉秩賜金各有差梅君立石於

江北運程

卷二十四

九

隄使行爲詔竊惟國家建都燕薊因元人故道漕於齊魯之郊導汶泗諸泉分流濟運北通御漳兩岸夷行無所敗壞而南流通淮者與河相值自張秋決塞河溢遷徙數迫病渠即幸無河蓄而鄒滕諸山之泉流爲通川互相灌輸湛於呂孟周回可數十里曹單金城諸邑河濟故道匯爲渚澤雨水猥盛相挾而東湛於昭陽周回可數十里皆以一渠受之噫嘔汜溢其勢然矣嘉靖乙丑飛雲之決朱大司空始於昭陽湖東開夏鎮新渠以漕而隄於湖之西岸禦河水出之秦溝至茶城乃與漕會漕渠自留城以下牖梁疏闢游波稍緩有所休息三十年來漕無恙也萬厯己丑河溢茶城反灌漕渠舟膠不進乃徒運道於南改建內華三牖伏秋雨發河水時至閉而不納保渠如城利在自守非弗稱便矣然泉湖積水南北灌注而以一葦之渠左隄右翠峽其湍悍之流至於三牖爲河所距又不得出欲隄防無壞而地母爲壑胡可得也漕大司空嘗欲爲石隄障之度不能成乃穿呂公堂至鎮口爲渠以避湖水及其潰溢合而爲一既無所洩亦不能避則公所由策韓莊矣韓莊渠者卽通泇河道也泇河出嶧費諸山左合沂武南入於淮自故元時嘗於利國置監鑿運鐵之渠

近時穀亭河徙議者懼漕渠受水數請開洳河通運因避二  
洪之險朝廷使視之者三皆以葛墟嶺爲梗謂嶺高於河  
渠六丈鑿之二丈所往往砂石礮礪檻泉湧沸不可以鑄梁  
城以往頗有渠形水底多石鑄之裁沒水中不能去且其時  
計從呂孟赤徵諸湖南至落馬湖口隄其中以漕長幾五百  
里度可用四百萬朝廷謂其費鉅不急遂止毋鑿誠難之矣  
公不謂然地有險夷可避而規壞有堅瑕可脈而試何必葛  
墟也時邵君在事意與公合遂自滕嶧至邳峇往返行視以  
復於公公復射率河吏登降原隰準其高下避葛墟嶺稍西  
得性義嶺地形平行而直中心溝西南頗有青石可二里所  
又避性義嶺稍南而得所謂韓莊者斜直中心溝之東北勢  
益洿下可疏導也爲陸井而脈之鑿下數尺小石積礮類如  
蘇壤鑿之卽靡視葛墟梁城堅瑕夷險功相萬矣公乃慨然  
嘆曰天作之渠也向之艱在陵今之易在陸向欲以漕故避  
湖而就嶺今欲以洩故避嶺而受湖何爲不可圖哉乃與二  
三大夫協衷矢謀力肩其事賴天子聖明洞悉利病之原舉  
以委公諸大夫吏士各奏厥能役不踰程費不及額而固漕  
渠之防蠲數邑之菑因以廩滕嶧饑民全活數萬信貞臣之

### 江北運程

### 卷二十四

十

石畫有國之鴻圖也夫治河如醫有人如此病在中溝於法  
當消而以參朮之劑調其腹腸必無幸矣此洩水之喻也庖  
丁解牛批郤導窾奏刀騞然得其間也至於寬髀大觚頓芒  
刃而攻之亦不幾矣此闕地之喻也且有大有大計於此濟兗二  
郡舉泰山下陞百八十泉之流以奉漕渠無敢私其涓滴而  
二洳沂沭之水出於琅琊東海之墟溲然長邁獨不以餘瀝  
及漕此則洩泗得河他流可謝也夫洩泗之於河豈誠愛而  
利之欲避而無所耳誠令赤呂諸湖出洩泗而通洳周柳諸  
湖內洳而合沂沭中間從河伯假道不過數舍卽得淮泗故  
漕則呂徐之險可避而二郡之川澤舉爲漕渠用矣豈復乞  
靈於河哉然而數議輒罷者何也事固有可爲而不可名可  
因而不可驟者故謀始之難也向欲以四百萬金開渠五百  
里鑿堅於陵覆實於水計非涸天府之藏殫神丁之力必不  
可就又未必漕也毋論發言盈庭莫執其咎卽公與二三  
大夫謂何如矣今直避高就下乘閒蹈瑕費不及四萬作不  
踰二時計各解紛救敗以紓旦暮之急非敢言漕事也而渠  
水受湖有所推移湖又受渠有所滌蕩陸可省鑿之半澤可  
省隄之半有如萬一河流滔漫徐方告壅此時挈一葦之渠

去而之沂沭匪鑿空矣嚮日行河諸使者假得是而策之亦謂何如哉嗟夫非常之原或闕有國無窮之科可爲之兆而不可爲名可因而入而不可驟而語可使人饗其成而不可使身居其功類如此勞臣之於謀國亦苦心哉行也家於河壩頗從里父老習識水道故不敢爲文麗之詞以詡盛美而惟著河渠利害所由使後人知公與諸大夫謀國之畫有引而不發者異日其有徵焉是役也奉命會議則漕運督撫戶部尚書李公戴巡撫山東僉都御史鄭公汝璧巡按御史山東連君裕直隸牛君應元功成覆閣則遣運御史李君時華而先後巡鹽御史直隸姚君思仁徐君元正兩淮慕君才吳君崇禮先後屯田馬政御史劉君日甯曹君學程山東左右布政使上君藻田馬政按察使陳君文衡新任徐州兵備參政徐君成位分巡東兗僉事李君天樞皆與聞其事而觀厥成者調度公費則兗州府知府盧侯學禮專董工程則兗州府管河運司同知羅侯大奎陳侯昌言同知唐侯禎而諸邑之長與有徵發及董公之佐史皆以差受賞列名碑陰茲不具記爾按萬曆癸巳二十一年嘉靖乙丑四十四年萬曆己丑十七年國朝李亨特疏據泇河廳稟報八牘一帶水勢

江北運程

卷二十四

充裕船行順速惟韓莊牘至彭口牘塘長五十餘里地勢建砥每值韓莊啟板水勢下注過疾而彭口逆上牘塘僅二十里不敷鋪灌易形淺澀疑於韓莊牘上下建築束水草垣三道以資攔蓄庶重運經由道行無阻臣親加履勘實係亟應辦理之工現飭籌節估辦以利運行倘按此奏在嘉慶十八年四月十三日任東河時時張阿尙未建牘吳璫李鴻賓疏據運河道詳稱泇河聽徵山湖隄嶧汎嶧字九號韓莊上下大石工長四百四十二丈建自順治十六年迨雍正十三年重修乾隆十九年加石二層共砌石八層高九尺六寸石後原築土餞迨二十八九年於河面修做排椿碎石工兩段長三百七十七丈上鋪海漫石二層七路四十八年拆修並於河面一律接修排椿碎石上鋪海漫二層七路海漫下堆砌碎石底寬四尺頂寬三尺高六尺中心填土底寬五尺二寸頂寬五尺四寸高六尺嘉慶六年大工案內照舊段拆修自拆修以來迄今有五載歷經伏秋大汛澗雨連綿山水疊漲兼之重空糧艘拖縶繫纜日受剝削隄頂海漫灰縫殘缺過水穿塘隄根碎石汕刷殘損又因湖河夾注風浪衝刷搜海椿木朽腐根底空虛致湖面牆石墊塌二處計十八丈

河面海漫碎石間段塌卸七處長八十九丈亟應乘時拆修堅實完整其湖面坐墜二段長十八丈徹底拆修必須圍築夾堤再查是工牆面丁裏等石因年久坍塌斷拆面石選六添四裏石選八添二樽節確估計拆修大石補砌碎石連築垠等項共需例價銀二千七百三十七兩八錢並加幫價銀八百六兩八錢共估例幫二價銀三千五百四十四兩六錢查係亟應拆修之工按該廳冊造銀數確估無浮請動用運河克沂兩道庫存節省入束銀兩趕緊辦理詳請會奏臣等查泖河廳微湖隄石工因收水至一丈二尺五寸恐冬令風嚴巨浪撞擊如隄身蟄場所關匪細實屬難緩之工請循舊例動用道庫節省入束銀兩趕購料物運集河干速為興辦俾一律鞏固以資儲蓄以利運行倘按此奏在嘉慶十九年十月十七日時吳任河東總河李任副總河卓秉恬條奏一攔河大埧宜歲加修築也韓莊培築攔河大埧前兩年雖亦有此舉然在空船過埭已無水可收必須趁重運方完空運未至此時總空一月有餘攔河一埧於收水大為得力創自上年甚有明效雖於差民船隻守候較多稍有不便然國家大務亦不能瑣瑣顧恤上年河臣李鴻賓辦理堵埧卽

### 江北運程

#### 卷二十四

三

於江南山東交界偏貼告示諄諭官民船隻如有緊要事件作速改由陸路毋致觀望自誤並將尾幫以後之銅鉛竹木貢物各船嚴提跟接糧艘前進卽閉牖堵埧是以河水入湖涓滴不漏辦法實為妥密請下河臣責成運河道永遠遵辦則微湖水勢永無短絀之虞倘按此奏在嘉慶二十年三月望日時以給事中巡漕疏入交河督酌覈是年五月十九日河東總河吳璣覆奏言卓秉恬所奏攔河大埧宜歲加修築一條查回空漕船過埭後水已微弱卽攔河築埧所收亦屬無多自須夏秋山泉漲發時收水入湖方能暢足上年李鴻賓因微山南陽南旺獨山等湖俱成平陸六七月間山泉正旺若專恃運河之水由單牖水口入湖而直往南注者聽其虛洩斷不能收符定誌是以重運甫竣卽趕築攔河大埧盡數收入微山等湖涓滴不漏始能將全涸之湖於數月內頓復舊規實已行之有效該給事中請歲加修築自係預籌儲蓄之良法惟各湖存水過少之年必應照此趕築方克有濟若重運全竣後湖水已漸符定誌或所短有限計各單牖水口所進之水可期收足似宜斟酌變通從緩堵辦於商民船隻亦覺兩便是在司河各員因時制宜不必拘泥亦不可因

循總以湖濱收蓄敷足爲準自可永無短絀之虞 葉觀潮  
疏洩河廳暉汎韓莊廂座當汝水南行尾閘必須廂身完固  
敢閉由人方可擊蓄上游水勢濟送往來漕艘實爲運河各  
廂最要關鍵茲據運河道稟稱該廂建自前明迨乾隆十五  
年重修二十三年加石一層四十九年補修迄今歷年久遠  
廂底椿木朽腐不能擊載致金門由身各牆石脫落錯縫兼  
之石塊酥損參差不齊滲漏串水廂底衝刷掀揭下板不嚴  
不能攔束水勢亟應徹底拆修除遵例選用舊料計新添料  
匠並築垣厚水挑空月河等工共估例幫二價銀一萬四千  
五百二十六兩並聲明所估銀數業經嚴加覈減臣查韓莊  
廂座因年久損壞係必應趕辦之工所估銀數覈與漕規相  
符難以再減懇准動撥司庫銀兩修理何按此奏在嘉慶二  
十三年十月十日時任東河疏入照准 季鴻賓疏洩河廳  
暉汎微山湖隄暉字九號石工並韓莊廂上下湖面大石工  
一段長四百四十二丈嘉慶四年及二十一年雖節次間段  
估修而未經拆修之工歷經伏秋大汎來水壘漲兼之重空  
糧艘施犁繫纜日受剝削又因連年收水充足拍岸盈隄且  
該石隄居內湖外河之中兩面皆水迎風受浪撞刷搜海致

### 江北運程

### 卷二十四

三

將該工內先後墊塌三段計長九十三丈牆面並海漫石俱  
已殘損石縫過水椿木朽腐根底空虛極爲險要設有疏虞  
所關匪細茲據護運河道莫夢齡摺節確估面石選用十分  
之四裏石選用十分之五碎石選用十分之六計拆修大石  
工並湖面築垣共需例幫二價銀九千八百九十八兩請動  
司庫銀款辦理臣復加履勘實係亟應趕辦之工冊估銀數  
無浮懇准動撥司庫銀款趕緊興辦以資滯蓄而重隄防倘  
按此奏在嘉慶二十五年七月二十八日 宮翼宸泊韓莊  
同柄和用寶叔向裴氏莊話舊韻詩猿鶴蕭條鎖舊庭滄浪  
噩夢幾番醒巴山夜雨船中話滄浦秋聲枕上聽往事隨波  
銷寂寞新寒得酒慰飄零三年重向韓莊泊惟有湖光似舊  
青 尤侗韓莊早發詩理楫明星內波聲亂大風鄰櫓接暗  
火岸草遞鳴蟲骨肉悲岐路音書  
慰斷蓬故鄉休入夢曉起已山東

一 統志 嶧縣在府東南二百六十里。東西距一百六十里。南北

距一百二十里。東至沂州府郯城縣界一百十里。西至滕縣界

五十里。南至江南徐州府邳州界六十里。北至沂州府費縣界六十里。東南至邳州治一百八十里。西南至徐州府銅山縣界五十里。東北至沂州府蘭山縣界二十里。西北至滕縣界七十里。春秋時郟國地。戰國屬楚。爲蘭陵邑。漢置蘭陵丞二縣。屬東海郡。後漢因之。晉元康元年。置蘭陵郡。劉宋移郡治昌慮。省蘭陵入丞縣。屬之。後魏武定五年。復置蘭陵郡。並置蘭陵縣。屬之。北齊廢蘭陵縣。隋開皇三年。郡廢。十六年。置郟州。大業初。州廢。改丞縣爲蘭陵縣。屬彭城郡。唐武德四年。復置郟州。又改蘭陵爲丞縣。貞觀初。州廢。縣屬沂州。五代及宋。因之。金明昌六年。又

江北運程

卷二十四

十四

改丞縣爲蘭陵。貞祐四年。改屬邳州。尋於縣置嶧州。元屬益都路。至元二年。省縣入州。明洪武二年。降州爲嶧縣。屬濟甯府。十八年。屬兗州府。本朝因之。圖志。嶧縣。衝繁難。西北至府二百六十里。有萬家莊。一水驛。鄒塢。一鎮。運河在縣南五十里。漕運紀程。嶧縣。兗州府屬。在府東南二百六十里。在運河東北五十里。蒼叢嶧縣東南。有葛嶧山。南有新運河。明萬厯間。河決汶上。壞漕隄幾二百里。總河舒應龍。相度韓家莊。在信義嶺南。可引湖水由彭河注。洳乃開前渠四十餘里。猶未通漕。後劉東星舉未竟之功。洳可漸通漕。最後李化龍定計開洳。棄王市以下三

十里加河徑從王市取直向紀家集南至河以避連注周柳四湖之險再由嶠頭引水經駱馬湖北岸至宿遷以盡避黃河之險以二百六十里之加河避三百三十里之黃河是鑿嶧避河用湖避黃運道賴之一統志嶧縣城周四里門四濠廣二丈明成化二十二年因舊址贅石山東通志嶧縣城本元之嶧州明洪武二年改爲縣築土城於舊州城之西南隅周四里高一丈五尺厚一丈池闊三丈深二丈門四東曰興賢西曰迎恩南曰望仙北曰近聖成化二十二年知縣毛鳳鳴始贅以石張公奏議嶧蓋古鄫子國也春秋時屬楚爲蘭陵春申君以荀况爲蘭

江北運程

卷二十四

五

陵令卽此按說文諸山絡繹相屬曰嶧環嶧皆山故金於此置嶧州明初改爲縣東沂東南邳邳西南徐西沛西北滕東北費所管運道上接滕境朱姬莊起下至江南邳州黃林莊止共長九十八里原名中心溝源出由茅山後受衆水流爲彭口又東會泉水以入於加自明萬曆三十二年始開爲運道以利漕輓中建牖座八爲韓莊德勝張莊萬年丁廟頓莊侯遷臺莊山東通志嶧縣形勝山勢爭迥葛嶧流泉競注滄浪一津儼龍首之渠兩省錯犬牙之壤

唐李白蘭陵客中詩蘭陵美酒鬱金香玉盃盛來琥珀光但使主人能醉客不知何處是他鄉國朝洪亮吉四鼓行嶧

縣道中詩高原墳樹古人鬼或同經夜氣沈殘月天風動大  
星未愁前路暗不斷此山青向曉寒尤勁車前雨脚腥孫  
宗禮嶧縣匡衡墓詩漢代崇文學明經重說詩卽今餘古冢  
當日解人頤驛路西風冷征車夕照遲功名懷抗疏我感鬢  
絲絲

右岸過湖口雙牖

一統志嶧縣湖口雙牖在韓莊牖東新開伊家河西北漕運全  
書康熙五十七年總河趙世顯等設法疏消沛縣地方積水勘  
明沛縣地處低窪山東金鄉魚臺之水由沛縣昭陽湖入微山  
湖從荆山口出貓兒窩入運應將茶城十字河一帶沙淤之處  
酌濬疏通仍於十字河之上建築草埧一座運河水小則堵埧

江北運程

卷二十四

六

俾水歸微山湖出湖口牖濟運又韓莊之湖口牖乾隆十七年  
議定牖口之水以深一丈爲度一丈以內煞埧挑河一丈以外  
毋庸煞埧仍聽洩放將挑淤改爲撈濬乾隆二十三年河東總  
河張師載於湖口牖迤北添建滾水石埧口門寬三十丈其埧  
脊照湖口牖金門水深一丈二尺五寸爲度水大則漫埧宣洩  
水小則收蓄濟運嗣將埧脊落低二尺五寸與湖口牖均以水  
深一丈爲度名湖口雙牖乾隆二十五年復酌議嗣後微山湖  
口滾埧應恪遵從前奏明落低尺寸以湖水一丈爲定卽欲多  
蓄濟運或以一丈一尺爲度如遇挑河之年查明湖水在一丈

一尺以內照例築埧收蓄湖水。儻有一丈一尺以外之水。毋庸築埧。亦毋庸堵閉。如江南春月。或有淺涇。仍將湖隄引渠開放。使湖水三路入運。以資接濟。徇按引渠在湖口雙牖南。三路者兩牖及引渠也。乾隆三

十年。將滾埧內磯心。每孔安砌石槽。設立板片。如水小之年。加板攔束。多收一尺。設遇陰雨連綿。水勢日增。卽將板片起除。俾得及時暢洩。山東運河備覽。湖口舊牖。明萬曆三十二年。建

國朝雍正七年。修乾隆十六年。拆修金門寬二丈一尺五寸。高一丈七尺七寸。乾隆十七年。議定牖口之水。以深一丈爲度。一丈以內。開埧挑河。一丈以外。民田有礙。毋庸堵閉。仍聽洩放。將

江北運程

卷二十四

七

應挑淤淺。改爲撈濬。湖口新牖。乾隆二十九年。建金門寬二丈二尺。高二丈四寸。在滾水埧以南。舊牖以北。仍照舊制。以水深一丈爲度。水大則雙牖俱啟。水小則雙牖俱閉。滾水埧。乾隆二十四年。建長三十丈。兩頭各修裏頭五丈。共長四十丈。準湖口牖。金門水深一丈爲度。建高二丈四寸。寬一丈四尺四寸。中砌石埧十四座。上搭橋梁。以通繚挽。乾隆三十年。總漕楊錫紱。以微山湖內之水。一丈爲度。不足濟運。請於石埧添設石槽牖板。多收水一尺。以水深一丈一尺爲度。按微山湖上承昭陽南陽。以及魚臺金鄉滕沛各縣坡水。由湖口牖宣洩。以濟嶧縣入牖。

並江南邵宿運道。每遇水大之年。湖水浩瀚。僅恃湖口二丈口門。不足以資暢流。是以乾隆二十二年。江南總督尹公繼善。請於湖口。迤上築滾水埧三十丈。又堵截下游邵州境內廬口入運之水。使微山湖水自小梁山茶城。經荆山橋河成牯分洩入運。運河道李公清時。又請挑伊家河。使自江南之梁王城分洩入運。民田始能涸出。然二十四年。因江省太行隄外之順隄耿家二河。開通入湖。而小梁山茶城二處原挑河頭露出淤灘。相去八九百丈。至一千餘丈。河頭高仰。湖水不得東下。湖口牯滾水埧伊家河三處。仍屬宣洩不及。二十八年。李公清時復請大

江北運程

卷二十四

六

挑小梁山茶城內華山。以達荆山橋。山東巡撫崔公應階。大學士兆公惠等。大加挑濬。計動帑金六七萬餘兩。而水流石礮。挾沙帶泥。不一二年。仍卽淤高。脫遇盛漲。仍恐淹浸民田。爲山東州縣之害。乃水小之年。湖無上源。惟恃雨水調勻。上游九州縣坡水下注。收蓄湖中。以濟新運。若天時稍旱。卽不能敷。總漕楊錫紱所言一丈一尺之水。則江南運河如隅頭駱馬等湖。積年淤涸。無水濟運。專仰微山湖灌注。四百里之遠。途長流弱。難期浮送。自二十四年。挑浚小梁山茶城伊家河等處。洩水之路。湖水消退。漸恐不敷。濟運於湖口。牯迤南開挖引渠一道。使湖水

三路入運頗爲暢利。然當時滾坝之上過水尙六七寸。則湖中存水尙在一丈之外。今三十八年天時久晴。湖水僅收一丈。自三十九年二月開坝。用至四月下旬。湖水僅存八尺餘寸。雖開挑引渠。仍慮不足。議於祁山馬蘭二處引水入運。如湖河相平。不能出水。並用江南厚水之法。以資接濟。迨至五六月間。湖水止存七尺餘寸。復慮來歲水勢不敷。不得已而遂有潘家屯引黃之議矣。河渠紀聞。雍正七年拆修微山湖口石牐。定議水深一丈一尺。開坝蓄水濟運。按湖口牐宣洩。微山湖水及魚臺金鄉滕沛各縣坡水。以濟嶧縣八牐。並江南邳宿運道。牐建於萬

歷三十二年。年久剝損。至是拆修。寬二丈一尺五寸。高一丈七尺七寸。啟牐放水。以水深一丈一尺爲度。水長逾誌。民田有礙。仍聽放洩。自孫集漫後。廣籌分洩。尹繼善始於湖口迤上增築滾水坝。又堵截下游邳州廬口入運之水。使微湖水自小梁山河茶城河內華山河經荆山橋洩入運。運河道李清時濬。伊家河使自江南之梁王城分流殺勢。一時濟變。非常道也。湖口牐收蓄微山諸湖之水。節宣濟運。水小之年。湖無來源。惟恃上游九州縣坡水下注入湖。由湖口入運。嶧縣八牐地勢就下。水易洩瀉。江省隅頭駱馬等湖積年淤涸。專仰微湖灌注。四百里之

遠途長流弱。難期暢達。湖口牐惜水如金。更番節宣。浮北上之舟。如河湖相平。不能出水。猶用江南屏水法。以資接濟。不得已更引黃水由潘家屯北出。爲急不暇擇之計。湖口通湖之牐。運道之大關鍵也。平時疏引坡水。巖下通板。蓄高湖水。至符誌而後用。則無憂消涸。設有異漲。湖口荆山伊家河三路宣洩。亦不淹及民田。爲兩得也。又乾隆二十四年。建微山湖滾水石埧。寬三十丈。中砌石爲柱十四。上覆橋梁。以通緯挽。按此因孫集漫後水入微湖。添建滾埧。疏洩積水也。初尹繼善議建滾埧。裴曰。修以水地涸出。恐礙蓄水濟運之道。奏請停止。至是復以東省

江北運程

卷二十四

三

通河自濟甯以北。有汶府等河。並蜀山馬踏諸水。濟運。濟甯以南。有泗洗等河。並南陽獨山微山等水。濟運。今運河凡有通湖。斗門及支幹各河。俱已疏濬深通。不慮無水接濟。若遇水大時。湖口牐寬僅二丈。不足宣洩。議於湖口牐迤北六丈上。添建滾水石埧一座。口寬三十丈。埧脊照湖口牐。金門水深一丈二尺。五寸爲度。水大則漫埧宣洩。水小則收蓄濟運。埧上覆以橋梁。緯挽便宜。民運兩益。洳河廳冊。運河西岸嶧字石工七號。湖口新牐一座。金門寬二丈二尺。兩岸由身各長二丈。北岸上雁翅斜長四丈。下雁翅斜長二丈九尺。南岸上雁翅斜長二丈四尺。

下雁翅斜長四丈。兩岸共長十七丈三尺。砌石十七層。高二丈四寸。兩牖背上用石漫頂。上建橋梁通緯。下洩湖水入河濟運。

乾隆二十九年。建四十九嶧字石工六號湖口舊牖一座。金門年重修。嘉慶十九年拆修。

寬二丈二尺。兩岸由身各長二丈。北岸上雁翅斜長四丈七尺。

下雁翅斜長三丈四尺。南岸上雁翅斜長五丈六尺。下雁翅斜

長五丈七尺。兩岸共長二十三丈四尺。砌石十七層。高二丈四

寸。兩牖背上用石漫頂。上建橋梁通緯。下洩湖水入河濟運。

明萬曆三十二年。建雍正七年。重修乾隆十九年。四十九年。修嘉慶十七年。補修牖底。二十二年。拆修。湖口大埧一

道。口門寬七丈八尺。南北兩埧臺各長五丈。鑲修埧埧計長十

江北運程

卷二十四

七丈八尺。寬三丈六尺。高二丈二尺。南馬路一道。長十八丈五

尺。北馬路一道。長十八丈。共長三十六丈五尺。寬二丈。高一丈

二尺。微山湖一區。詳卷二十二  
微山湖條湖口牖南通湖引渠一道。分洩

湖水入河濟運。搶修湖口牖南通湖引渠夾埧防風工一道。長

十四丈。兩邊鑲階各寬三尺。中心填土平寬四尺。共寬一丈。高

一丈五尺。兩面簽釘排椿并柳箴椿木。每年鑲修。搶修湖口牖

南通湖引渠口門防風裏頭二座。各長六丈。東岸寬二丈三尺。

五寸。西岸寬二丈四尺。均高一丈一尺。上建橋梁通緯。每年鑲

修。嶧字石工五號湖口牖南通湖面碎石排椿工一段。長四十丈。

二尺。椿內堆砌碎石。底寬七尺。頂寬四尺。高七尺。石後築土。底寬二丈三尺。頂寬一丈二尺。高七尺。上加土頂。底寬一丈六尺。

頂寬一丈。高三尺。乾隆二十四年建四十八年重修嘉慶四年補修。嶧字石工四號湖

口。插南起至龍亭止。河面碎石排椿工一段。長一百四十丈。椿

內堆砌碎石。底寬七尺。頂寬二尺。高九尺。石後築土。底寬二丈

一尺。頂寬一丈。高九尺。上加土頂。底寬一丈二尺。頂寬一丈。高

一尺。乾隆二十四年建四十八年修嘉慶四年補修。伊家河一道。自韓莊迤西起至江

南梁旺城入運。計長一萬二千五百五十三丈。口寬八丈。底寬

四丈。深一丈二三四尺不等。分洩微湖之水至邳州入河濟運。

江北運程

卷二十四

三

乾隆二十二年開挑。復挑自善莊迤北至楊家樓止。計長七千餘丈。以水

深八尺為度。入河濟運。乾隆四十七年復挑。搶修伊家河頭。因緊接微湖

恐湖水走洩。用資攔蓄。鑲修防風埽堤一道。長十九丈。寬一丈

八尺。高一丈四尺。上加土頂。高二尺。共高一丈六尺。每年鑲修。

循按原冊此下紀嶧字石工四號至德勝插詳下德勝插條

國朝尹繼善張師載阿爾泰疏奉

上

諭。據袁曰修等奏。被水地畝已多涸出。所有從前奏請於湖口插  
上。添建插座之處。應行停止等語。從前尹繼善以運河水漲。亟應  
疏濬。是以奏請於該處添建插座。以資宣洩。今復奏請停止。其意  
蓋以積水已消。若添建出水插。轉恐於蓄水濟運之法有礙。此未  
免過計。現在積水雖退。而運河諒不慮無水接濟。該處插座。雖不  
必添建。或酌留運河蓄水尺寸。將插口迤上之隄。留為滾水埧。俾  
蓄洩俱有所資。殊為有益。著傳諭尹繼善等。即妥協查勘。辦理。臣



彼公同勘籌查微山湖。水大東省兗曹等府及江南沛縣窪地常慮淹浸。水小又恐入牖。宿等處運道淺濇。是以湖口牖水。誌向以金門水深一丈為度。水長則洩水保田。水落則蓄水濟運。并設滾堤引渠。原係斟酌得宜。前因湖水仍大滾堤。以北拆開石隄十丈。酌議添設滾堤。但滾堤雖有堤脊。限制究不如改牖。得以啟閉隨時。兆惠所請改建石牖。事屬妥協。惟滾堤以北拆隄處。所河身畧窄。河底高於湖底。建牖不甚相宜。查堤南湖河地勢甚順。應請於堤南牖北中間石隄八丈內。緊靠舊牖添石牖一座。金門寬深丈尺悉與舊牖一律。即各為湖口雙牖。仍照舊制以金門水深一丈為度。水大雙牖並啟。暢洩湖漲。水小並閉。以資收蓄。如此啟閉。由人於漕運民田兩益如蒙。

俞允臣

葉存仁即確估咨撥司庫銀兩發辦料物貯工。秋汛過後立即興工。明春可以告竣。再湖水自正月至今共消過二尺三寸。湖口牖金門現在水深一丈一尺四寸。滾堤過水一尺四寸。高出水誌無多。其所拆石隄水口。現今過水有限。請照舊堵築補還。原隄倘按此奏在乾隆二十九年五月十八日疏入如所議行。姚立德疏微山湖口牖開放日期雖無定例。

江北運程

卷二十四

雷

但臣在運河道任內迄今。每年總以正二月間。南漕頭幫行抵邳。宿境內始全啟湖口牖板。暢洩湖水三日。以達江南。惟因入牖地勢建領。恐湖水洩多不能接濟。江廣船俟暢放三日。仍下牖板。入九塊多留漫板之水。灌輸下游。備濟全漕。今年南漕首幫於三月初三日全數渡黃。距邳宿境尚有二三百里。臣於二月初三日開放湖口牖。亦照成規按期辦理。臣於吳嗣爵所言微山湖水互異之處。伏查微山湖水誌於乾隆二十三年。經前河臣張師載等奏定。以湖口牖水深一丈為度。三十年春水深九尺五寸。三十一年水深九尺九寸。三十八年水深一丈一尺二寸。今年開牖時。探量牖口水深一丈三分。臣前次所奏與前二年相較。有盈無絀。係指三十年暨三十一年湖河水小。並未阻運而言。其吳嗣爵所奏。比上一年存水較小。係指三十八年而言。是今年較三十年三十一一年為大。較三十八年為小。彼此奏詞互異致蒙。聖明詢問。理合查明據實覆奏。倘按此奏在乾隆三十九年三月十日。任河東總河時。吳嗣爵姚立德疏。臣姚立德昨自濟甯起程。由韓莊查勘湖口牖過水情形。於三月十七日到臺。莊臣吳嗣爵由楊家莊以北探量水勢。亦於是日行抵界上查

聖明詢問

得湖口插板分洩之水現有二尺六寸其下游江省清桃宿邳境內水勢深者五六七尺淺亦有三尺五六寸糧船足資行走一幫之內間有最重船隻量爲起剝亦即過行兩旬已來挽入東境船十一幫共五百八十三隻該道將等料理已屬妥協惟在後之二三進漕船爲日正長與水愈重而微山湖係存蓄之水自二月初旬開桶至今已消去七寸若不從長計議恐不足以濟江廣重船且八桶地勢建瓴非酌量下板擊蓄不特水勢一洩無餘即桶口水溜糧船上桶挽拽倍難臣等公同商酌就現在微湖宣洩情形爲此後南運接濟定制將湖口插板面常聽過水二尺以上八桶內下板擊蓄亦悉留漫板水二尺以上接濟下游將來汎水一至可以毋庸拘定此數庶東省湖水節宣有度江省運河足資浮送於二三進漕船均有裨益至下游邳州境內臣吳嗣爵諭令廳營多築束水草垠其何家莊馬家集等至淺處又飭令上緊撈濟宿遷境駱馬湖王家溝柳園頭二桶察看水勢相機啟族務期上下河身通暢所築草垠口門量爲收窄擊束水勢衝刷流沙再糧船遇淺起剝係歷年常事而弁丁人等每於例帶土宜之外多裝貨物致載重難行遇有起剝復藉端稽

江北運程

卷二十四

五

延漕臣嘉謨已委糧道朱奎揚督辦臣等現飭沿途營汎實力查催如果水勢充裕聽其跟幫趕運若河水僅敷行運應將裝載貨物過多之船令其起剝暫行不許脫幫借詞違限以速漕運何按此奏在乾隆三十九年三月二十日時吳任南河姚任東河卓秉恬條奏一湖水毋得任意做放以重蓄蓄也微湖接濟邳境自應不分畛域然彼此稍存意見下游索水太多上游只得暢放雖水櫃十分充足一經漫無節制則盈者立涸前兩年雖因引渠淤塞收蓄失機以致日涸一日而放水過當掣耗甚多其弊亦半由於此請下臣嗣後塘長各河鋪水總以四尺五寸爲率運河正好行船卽不得輕放湖水如偶有淺涇仍照向例頭進南糧微湖放桶口水二尺四寸二進船放水三尺二寸三進船放水不得過四尺毋得任意做放致洩耗無餘以重蓄蓄何按此奏在嘉慶二十年三月望日時以給事中巡漕疏入交河督酌覈是年五月河東總河吳璣覆奏言卓秉恬所奏湖水毋得任意做放一條查各湖水櫃以微湖爲最要蓋東境八桶及江南邳境浮送不敷固不可偏執惜水之見而東境掣耗過甚亦恐

有後力不繼之虞若下游索水太多一時自覺快利而湖水過耗難以收符定誌次年卽形短絀於江境亦有不應自應通盤籌畫彼此相關是以向例啟放湖口埭暢放三晝夜鋪灌邛宿長河之後俟幫船到境再啟湖口埭水板接濟頭進放水二尺四寸二進放水三尺二寸三進放水不得過四尺本屬多寡適中宣節兼顧方能遞年無虧該給事中自有鑒於十七八等年不特收水失機兼之用無節幾致貽誤全漕所請湖水宣放濟運只須足敷行船而止不得任意敞放致令耗洩無餘洵爲先事豫籌以保湖水常充漕運順利之要務自應如所奏酌定宣放湖水章程永行遵辦 葉觀潮疏

湘河廳輝滕二汛運河西岸湖口湖南龍亭起至榔山迤北止臨湖大石碎石等工共長五千二百一十餘丈因上年以來湖水異漲隄根多有滲水之處甚爲險要經兵部尙書臣吳璈前河臣李逢亨先後親勘擇要估鑲護埽共長七百八十七丈保護隄工最爲得力自鑲修至今埽料逐日浸泡兼之風浪撞擊掀揭致各埽工墊塌卑矮浸入水四五尺及三四尺不等現在湖水已積存一丈五尺秋汛正長上游來源甚旺各坡河之水無不匯注入湖勢必增長一遇西北大

風埽在水底巨浪鼓盪石工實難抵禦亟應酌量加鑲高出水面蓋壓頂土方資保護前據該道廳估詳駁減茲據遵減共估料物夫工銀六千六百五十餘兩臣逐段確覈無浮懇准動撥司庫銀兩興修並飭運河道稽查督辦俟工完親加查驗另繕清單恭呈 簡按此奏在嘉慶二十二年七月杪時注山東八牘及江省邛宿運河底水鋪足之後將舊牘嚴閉仍留新牘漫板水源源挹注俟重空兩運過埭再將新牘閉板關蓄湖水留爲次年之用是湖口新舊二牘爲節宣湖水最要關鍵查新牘現在完固足資啟閉惟舊牘建自前明至乾隆四十八年重修嘉慶四年補修牘耳十六年補修牘底迄今又閱數年底石衝刷跌塘金門由身及兩岸雁翅牘牆俱墊裂錯縫樁木朽壞難以下板關蓄必須徹底拆修前據道廳稟請估辦駁減茲臣親赴勘驗實係應辦之工並據遵減照例選舊添新實估例幫二價銀八千八百三十一兩按工確覈無浮懇准於司庫撥項趕辦 簡按此奏在嘉慶二十二年十一月杪

八里右岸八里港嶧縣

何按卽八里溝山東運河備覽言八里溝坡水無來源

八里三調灣嶧縣

永程細數單三調灣有汎卽三灣轉漕衡州筆記八牖水甚疾

三灣在德勝牖迤西水理漩洑尤險山東運河備覽言由德勝

牖至韓莊牖二調灣雞心洲十一里溝馬頭迤下引渠口牖下

塘古淺六今俱不淺德勝牖上德勝莊南牛山泉壘路口三調

灣廣福莊八里溝乾溝公館嘴古淺九今俱仍淺

國朝吉綸趙佩湘疏德勝牖以上三灣一帶地勢灣曲向來水淺今豫擬添做束水坝一道以資擊蓄飭令卽日趕做

江北運程

卷二十四

五

按此奏在嘉慶十四年陳鳳翔疏東省臺莊八牖挑工必

須堵築湖口填方可興挑上年因河道凍阻節節敲冰而在

後湖北三幫船身笨重挽至河定牖內又復淺滯臣卽飭加

河同知將所剩插板全行啟除以資接濟昨准副河臣徐端

漕臣馬慧裕來信尾幫約新正初二三日可以全過三灣囑

緩至初四日堵填臣查南漕尾幫既可於初二日全過三

灣則湖口牖填初四日卽可堵合第恐三灣或有淺滯堵合

後再爲啟放更覺遲延莫若再停二三日俾湖水足資遞送

一過三灣以下皆係深塘無虞淺阻茲擇於初七日堵築湖

堤較上年雖遲月餘臣已飭各州縣工員三倍加工趕辦不

六里河德勝牖嶧縣

漕運紀程德勝牖明萬曆三十一年建在六里石牖西六里牖

下有月河一道牖官一員牖夫三十名全漕運道圖嶧縣德勝

牐卯西向。自韓莊牐至此二十四里。山東運河備覽。由德勝牐至韓莊牐。水口十二。德勝牐上坡水入運。有石橋。無來源。西山水溝。坡水入運。涸。牛山泉溝。距發源處四十里。寬三丈。微流入運。疊路口。寬三丈。時有坡水。西岸雞心洲。無來源。有石橋。涸。雞爪溝。朱家溝。十一里溝。十里溝。俱寬四丈。坡水入運。今涸。九里溝。八里溝。俱坡水入運。無來源。東岸乾溝。坡水入運。全河備考。牛山泉距縣西南三十里。流至德勝牐入運。按舊牛山泉流入張莊牐者。卽此牛山泉之分流也。又由六里石牐至德勝牐。水口三。六里溝。寬一丈。坡水微流。四里溝。涸。東岸二里溝。寬二丈。坡水入運。轉漕衡湘筆記。是日申刻。過德勝牐月河。泐河廳。

江北運程

卷二十四

三

冊德勝牐一座。金門寬二丈二尺。兩岸由身各長二丈四尺。東岸上雁翅斜長七丈五尺。下雁翅斜長七丈七尺五寸。西岸上雁翅斜長七丈八尺五寸。下雁翅斜長九丈三尺。兩岸共長三十七丈二尺。砌石十七層。高二丈四寸。韓莊牐官兼管。南至六里石牐六里。明萬曆二十年建築。乾隆十一年重修。四十九年補修。六十年及嘉慶二十五年拆修。德勝牐越河一道。長一百八丈。搶修德勝牐越河上口埽埧防風工一段。長十六丈。高一丈三尺。寬三丈。上加土頂。高二尺。平時束水濟運。一遇盛漲。開放分洩。每年鑲修。接前至六里石牐。隄堰高阜

並無工程。運河西岸。嶧字石工四號起至德勝牖池北止。並無工程。隄堰高阜。

嶧字石工三號。德勝牖上渡口河面碎石排椿工一段。長七十丈。椿內堆砌碎石。底寬七尺。頂寬四尺。高七尺。石後築土。底寬

二丈二尺。頂寬一丈二尺。高七尺。上加土頂。底寬一丈六尺。頂

寬八尺。高三尺。嘉慶四年建搶修德勝牖上防風埽工一段。長三十

丈。寬一丈。高八尺。每年鑲修。搶修德勝牖下防風埽工一段。長

四十二丈八尺。寬一丈。高一丈。每年鑲修。漕運全書險隘處所

德勝牖。又名新牖。何按萬里雲程作得勝牖。並云第四十六牖

卽新牖。

江北運程

卷二十四

完

國朝李鴻賓疏。據護運河道莫夢齡詳稱。加河廳嶧汛德勝牖一座。建自前明乾隆十一年。重修四十九年。補修六十年。

拆修。移建。歷今二十五年。緣該牖上游卽係微山湖。每遇湖

口放水之時。水勢猛烈。先由該牖經行。奔騰湍激。並牛山泉

伏。秋漲水時。有衝刷日久。搜淘。隨致牖底跌成深塘。椿木朽

腐。不能承載。兩岸由身雁翅。各牆石壘裂錯縫。穿水滲漏。金

門槽石壘裂坍塌。牖底空虛。石塊掀動。難以下板。且該處地

勢建低。微湖下注之水。首賴擊蓄爲入牖第一關。鍵亟應徹

底拆修。照例選舊添新。並築垣厚水挑。芑月河等工。造具估

冊詳請奏辦。當經駁減。茲據覈實減估例幫二價。共銀一萬二千七百七十兩五錢一分四釐。覈與漕規相符。懇准動撥司庫銀兩修理。倘按此奏在嘉慶二十五年七月二十八日疏入。照准。

六里。跨河六里石牖。嶧

漕運紀程。六里石牖。明萬曆三十一年建。何按六里石牖實。國朝雍正二年建。此

向有在張莊牯西六里。牯下有月河一道。南岸進水有侯孟泉。

口牯務歸併萬年牯。牯夫三十名。泐河廳冊六里石牯一座。金

門寬二丈三尺五寸。由身各長二丈四尺。東岸上雁翅斜長七

丈。下雁翅斜長七丈。西岸上雁翅斜長七丈。下雁翅斜長七丈

五尺。兩岸共長三十三丈三尺。原砌石九層。嗣加高四層。共砌

石十三層。高一丈五尺六寸。牯夫二十六名。萬年牯牯官兼管。

南至張莊牯六里。雍正二年建。乾隆二年及三十八年拆修。五十二年加高。嘉慶二十二年補修。上五層。

六里石牯越河一道。長一百三十一丈。搶修六里石牯越河上

口埽埧防風工一段。長十一丈。高一丈二尺五寸。寬二丈。上加

江北運程

卷二十四

土頂高二尺。平時束水濟運。盛漲開放分洩。每年鑲修。接前至

張莊牯。隄堰高阜。並無工程。運河西岸接前。衙按謂德勝牯。下防風埧工。至六里石牯。

隄堰高阜。並無工程。全漕運道圖。嶧縣六里石牯。卯酉向。自德勝牯至此

六里。衙按萬里雲程。以此為第四十七牯。蓄水濟運篇。泐河之

德勝張莊二牯。相去十二里。地峻水駛。易致淺阻。雍正二年。

詔於

兩牯之中。增建一牯。以節其流。名六里石牯。仍恐三牯相近。水漲

難支。較上下牯頂低六尺。水小則收蓄濟運。水大則漫埧通流。

誠斟酌盡善之制也。山東運河備覽六里石牯。按雍正二年總

河齊勤恪公蘇勒以該處河形甚直。兩涯陡峻。水小之年不能

蓄水。奏准建築石牖一座。中留金門。較上下兩牖減矮六尺。至乾隆二年。總漕張公大有以牖面太低。議令加高。經運河道王公鴻勳覆稱。加高牖牆。恐山河驟漲。宣洩不及。阻礙漕舟。請於坵面鑲草六尺。總河白鍾山據議奏准。原鑿雙槽下板實土。糧船由月河行走。近年幫丁貪由金門逕過。且土面鑲草啟閉不便。牖板雖設而罕用矣。東河事宜冊大學士阿文成公桂履勘較舊牖。落低二尺四寸。加石四層。并將金門放寬六寸。節宣有制。益臻完備。轉漕衡湘筆記。酉初。過石牖。月河。月亦作越。謂超越而過也。月擬其形。越著其義。恂按漕運全書言。八牖之內。德

江北運程

卷二十四

三

勝牖至張莊牖。係十二里直河。水難停蓄。易致淺阻。雍正二年。

議於六里石地方草坵處所建石牖一座。據此則六里石乃地

名也。續行水金鑑載漕督張大有等奏言。臣前面奏山東運河

入牖內之德勝牖至張莊牖。係十二里直河。水難停蓄。易致淺阻。似宜於兩牖適中處六里石地方添建一牖。蓄水濟運。

欽奉與撫臣河臣商議具奏。臣等會勘得德勝牖至張莊牖。河勢甚直。岸峻地高。每遇水少。不能存蓄。該管印河各官。每於六

里石地方修築草坵一道。以爲關欄。今若於此再添一牖。則三牖相近。或恐山水暴漲。勢如建瓴。旁無宣洩。牖座難以撐持。細

度情形。似應於此草坵處所再築石牖一座。較比上下牖頂減

矮六尺。水小則收蓄濟運。不致淺阻。水大則漫坵順流。可免漲裂。似於運道有裨。漕運全書卽採此奏。先是山東

巡撫陳世倌奏言。韓莊德勝張莊三牖河底俱係砂石。挑濬費力。或於秋冬開挑。或於德勝張莊兩牖間添建一牖。蓄水濟運。

此奏在雍正二年五月。至是張大有有六里石添建一牖仍較上下牖頂減低之奏。此奏亦在雍正二年奉

旨。此議甚安。該部照奏施行。又河渠紀聞言。是年總河齊蘇勒建六里石牖。按自臺莊至韓莊八十餘里。地勢建瓴。高下懸殊。以牖爲節。使不致直瀉。而張莊至德勝形勢更直。兩崖陡峻。不能蓄水。是以齊勤恪奏定於適中六里建牖收蓄。又恐三牖相近。溜勢湍急。山水暴漲。宣洩不及。金門較比上下兩牖減矮六尺。嗣以牖面太低。漕運不便。漕督張大有議加高牖牆。用以草代石之法。於牖面鑲草六尺。水發聽其漂流。水仍暢流。總河白鍾山復

江北運程

卷二十四

三

議於牖之雙槽下板實土。漕船由月河行走。水勢紆曲。不令直瀉。蓋爲蓄水計。下板則可議節宣鑲草。卽不便啟閉。爲船運計。則利由金門逕過。而厭月河之紆曲。居濟一得云。爲湖水接濟。運河不足。故八牖常宜閉板蓄水。至水不足用。則啟板接濟。若湖水盛漲。則啟牖不下板。開月河放之。是八牖以啟閉爲節也。而運丁輒爲口實。故在漕言漕。則有鑲草六尺之議。而牖不能啟閉。竟爲虛設。相峙所宜。使水大由月隄旋轉。無礙運行。牖仍啟閉如法。又得疏洩漲水爲雨得也。後六十餘年。而有河東總河蘭第錫。落低六里石牖。牖底加高。牖背之奏。

國朝蘭第錫落低六里石牐牐底加高牐背疏入牐內有六里石牐係雍正二年所建在德勝張莊二牐間緣德勝牐至張莊牐十二里地勢建低河直水溜難以停蓄添建此牐以資關束原定砌石九層高一丈八尺較低上下兩牐六尺水小收束濟運水大漫牐而行後因牐面太低水大有礙行船每年在牐背上用草加鑲高出牐面藉資攔護水發聽其草隨水下嗣乾隆三十八年牐座全塌浸水浸泡衝刷致椿石年因四十六七兩年黃水經由全牐沒水浸泡衝刷致椿石灰縫多有損裂年來運河水小設法修補按漕啟閉奈急溜淘刷又將地平石塊掀揭椿木朽爛衝成深塘牐牆蟄裂多有坍塌自應拆修以資擊蓄惟此牐過低牐面每年用草加鑲水小草擁牐耳敢閉多有未便水草隨水去糧船不免擊撞且旋衝旋鑲歲費不貲臣等詳勘所有六里石牐為張莊德勝兩牐擎托之關鍵牐底高於河底必須落低二尺以免糧船墊擱牐背未便鑲草應照舊制加高七層共高一丈九尺二寸安設全板與上下各牐一律啟閉原舊牐基現已跌成深塘難以釘椿安石應在舊基數丈之上刨槽移建所需工料錢糧除原石九層選用十分之四共計添辦新料及

江北運程

卷二十四

三

工匠價值估銀入千七百八十五兩仰懇動用司庫銀兩及時採辦各料俟空運過完卽行興修務於明春重運未到以前如式完竣倘按此奏在乾隆五十一年任河東總河時疏入部覆如所議行

六里跨河張莊牐

縣

漕運紀程張莊牐明萬曆三十一年建在萬年牐西八里牐下

有月河一道北岸進水有牛山泉口牐務歸併萬年牐牐夫三

十名泲河廳冊張莊牐一座金門寬二丈三尺六寸兩岸由身

各長二丈一尺三寸東岸上雁翅斜長五丈四尺裏頭長二丈

二尺下雁翅斜長五丈一尺五寸裏頭長二丈三尺五寸西岸

上雁翅斜長五丈二尺裏頭長一丈五尺下雁翅斜長五丈一

尺五寸。裏頭長三丈。兩岸共長三十四丈二尺一寸。砌石十六

層。高一丈九尺二寸。牐夫二十八名。萬年牐牐官兼管。南至萬

年牐八里。明萬曆三十二年建。雍正七年重修。嘉慶二十二年補修。張莊牐越河一道。長九

十八丈。接前至萬年牐。隄堰高阜。並無工程。運河西岸接前。徇按謂六里石牐。至

鉅梁橋。隄堰高阜。並無工程。鉅梁橋一座。引侯孟泉之水入河。濟運。接前

至張莊牐。隄堰高阜。並無工程。搶修張莊牐防風埽工一段。長五十六丈。

寬一丈。高一丈。每年鑲修。接前至萬年牐。嶧字石工二號。隄堰高阜。

並無工程。全漕運道圖說。嶧縣張莊牐。卯酉向。自六里石牐至此八

里。右岸有巨梁橋。侯孟泉穿伊家河入運處也。山東運河備覽

江北運程

卷二十四

五

由張莊牐至六里石牐水口。西岸張莊牐池上鉅梁橋源出

距河二十餘里。今由伊家河歸黃林莊入運。橋下仍有坡水微

流。四里溝。東岸一里溝。俱涸。全河備考。侯孟泉距縣西南五十

里。東北流至張莊入運。轉漕衡湖筆記。西正泊張莊牐池。西巨

梁橋。橋在岸南十五日。曉起過張莊牐月河。漕運全書。險隘處

所。張莊牐又名巨梁橋牐。徇按萬里雲程言。鉅梁橋牐第四十

八牐。卽張莊牐。運河備覽言。中張莊。卽鉅梁橋。漕河一節具

六里。跨河萬年牐。嶧縣。

漕運紀程。萬年牐。明萬曆三十一年建。在丁家廟牐西十里。牐

下有月河一道。北岸進水有賈家溝。口南岸進水有龍王泉口。牮官一員。牮夫三十名。全漕運道圖說。嶧縣萬年牮。卯西向。自張莊牮至此十里。萬年牮。西右岸有山河。龍王泉穿伊家河入運處也。山東運河備覽。由萬年牮至張莊牮。水口五萬年牮上。人家西岸水溝。無來源。有石橋。東岸舊牛山泉水溝。寬四丈。坡水微流入運。無來源。西岸張家林水溝。微水入運。有石橋。棗莊溝。酒張莊人家東頭水溝。坡水入運。不能長流。寬二丈。又由丁廟牮至萬年牮。水口六。西港溝。無來源。洞。東岸賈家溝。無來源。坡水細流入運。寬四丈。西岸花石廠溝。洞。又龍王泉。從黃邱山。

江北運程

卷二十四

三

下由靳家莊王家莊入伊家河。出黃林莊濟運。東岸水口一無來源。西岸水口謂之對溝。亦無來源。洞。全河備考。龍王泉。出黃邱山東南。遶西北流二十五里。會許池泉。今開泇河後。至萬年莊牮入運。河渠紀聞。乾隆二十八年。總漕楊錫紱奏改萬年牮。加寬金門。落低牮底。以利運。行。建三公祠於東岸。按萬年莊牮。泇河適中處也。循前人故蹟。以時修治。金門加寬二丈。牮底落低二尺。益加通暢。漕艘安流北上。追溯遺烈。聿新祀事。祠成。楊勤懋爲文以志其事。俾知避險就安。其來有自。記畧中載。自鑿韓莊至梁城。百餘里山岡。引汶水以通泇。於是入黃之艘。由直

河入加。由加入湖。如行在席。加之開也。舒公應龍建其議。劉公東星繼其事。李公化龍畢其功。三公殫心國事。不恤人言。相繼疏濬。卒避三百里黃流之險。而成二百六十里安流運道。豈非萬世之利歟。其始末如此。楊勤愨司漕十餘年。歲輸正供。如期畢。至恤丁宜民。譽滿東南。足爲後來楷模。而猶不忘所本。若是轉漕衡湘。筆記午後。過萬年牐。月河。徇按萬里雲程。以此爲第四十九牐。加河廳冊。萬年牐牐官一員。管六張萬三牐。六里石牐一座。徇按詳上六里石牐條張莊牐一座。徇按詳上張莊牐條萬年牐一座。金門

江北運程

卷二十四

美

五尺。下雁翅斜長十一丈一尺。東岸上雁翅斜長九尺二寸。下

雁翅斜長十丈九尺。兩岸共長四十五丈一尺。砌石十七層。高

二丈四寸。牐夫二十八名。南至丁廟牐十二里。明萬曆三十二年。建乾隆九年。

重修二十年。拆修萬年牐。越河一道。長二百六十一丈。接前至丁廟牐

隄堰高阜內萬年倉大營基一處。長一百二十丈。運河西岸。嶧

字石工二號。萬年牐上。河面碎石排椿工一段。長二十五丈。椿

內堆砌碎石。底寬八尺。頂寬三尺。高八尺。石後築土。底寬二丈

三尺。頂寬一丈三尺。高八尺。上加土頂。底寬一丈六尺。頂寬八

尺。高三尺。嘉慶四年。建嶧字石工一號。萬年牐下。接雁翅起河面。碎

石排椿工一段。長四十丈。椿內堆砌碎石。底寬八尺。頂寬三尺。高八尺。石後築土。底寬二丈三尺。頂寬一丈三尺。高八尺。上如土頂。底寬一丈六尺。頂寬八尺。高三尺。嘉慶四年建

六里。右岸花石廠。嶧縣

河按地舊有水溝。山東運河備覽言。西岸花石廠溝洄。卽此。

六里。跨河丁廟。嶧縣

漕運紀程。丁家廟。明萬曆三十一年建。在頓莊。隔西六里。隔下有月河一道。北岸進水有針溝口。隔務歸併頓莊。隔夫三十名。加河廳冊。丁廟。隔一座。金門寬二丈二尺。兩岸由身各長

江北運程

卷二十四

毛

二丈二尺五寸。東岸上雁翅斜長七丈三尺。接馬蹬一丈九尺。下雁翅斜長九丈二尺四寸。接馬蹬四丈。西岸上雁翅斜長七丈一尺八寸。接馬蹬三丈三尺二寸。下雁翅斜長九丈四尺。接

馬蹬四丈。除馬蹬十三丈二尺二寸外。兩岸實長三十七丈六

尺二寸。砌石二十層。高二丈四尺。隔夫二十八名。頓莊。隔隔官

兼管。南至頓莊。隔八里。明萬曆三十二年建。乾隆三年重修。四十九年嘉慶四年補修。丁廟。隔

越河一道。長一百二十四丈。接前至頓莊。隔。隔無工程運河西

岸。接前。河按謂嶧字。石工一號。至丁廟。隔。隔無工程山東運河備覽。由頓

莊。隔至丁廟。隔。水口四。西岸鉞鉤口。向有潦泉。由橋下入運。金

溝口寬四丈。微水不能長流。東岸黃家河寬四丈。縣西諸泉發源之水。冬日大挑大泛口。則於泥溝築堤。遏水西流。始由馬蘭屯折橫河頭。西向而出黃家河。平時則微水細流入運。榆樹溝一處。迺全漕運道圖。嶧縣丁廟。插已亥向。自萬年插至此十一里。恂按萬里雲程。以此爲第五十插。轉漕衡湘筆記。旣曠泊丁廟。插迤西十六日。曉起。過了廟。插東針溝口有承水入運。山東通志。承水自嶧縣北車梢山發源。卽滄浪淵也。南流逕龍門。至裴宋橋。與許池泉會。許池泉出嶧縣北嶺阜下。南流入會水。橋又南合於滄浪水。又南逕縣西門。由孺子橋折而東流。又南有金注河水入之。又東會義河水。至泥溝堤折而西。由丁家廟插東針溝口入運河。一統志。承水在嶧縣西。一名承治河。本出縣北車梢峪。源曰滄浪淵。南流會許池水。今滄浪淵水微細。獨許池爲正源矣。南逕縣城西門外。折東流。至縣南三十里。納金注水。又東納義河水。南合洳河入運河。元和志。承縣以西北承水得名。太平寰宇記云。承治水出縣西北方。王莽改承縣爲承治。故水有此名。今又訛爲承治水。

八里。跨河。頓莊。插。

嶧縣。

漕運紀程。頓莊插。明萬曆三十一年建。在侯遷插西十二里。插。

下有月河一道。北岸進水有大泛口。牐官一員。牐夫三十名。瀆

河廳冊頓莊牐牐官一員。管丁頓二牐。丁廟牐一座。衙按詳上丁廟牐條

頓莊牐一座。金門寬二丈一尺六寸。兩岸由身各長二丈二尺

三寸。東岸上雁翅斜長五丈二尺。接馬蹬一丈。下雁翅斜長八

丈五尺二寸。接馬蹬一丈。西岸上雁翅斜長六丈二尺八寸。接

馬蹬九尺八寸。下雁翅斜長八丈三寸。接馬蹬一丈。除馬蹬三

丈九尺八寸外。兩岸實長三十二丈四尺九寸。砌石十八層。高

二丈一尺六寸。牐夫二十八名。南至侯遷牐十里。明萬曆三十二年建乾隆

三年重修四十八年嘉慶四年補修頓莊牐越河一道。長一百八十丈。頓莊牐至

江北運程

卷二十四

五

大泛口。隄堰高阜前無工程大泛口山河一道。引十里許池南山滄浪石

室。灰泉。篩泉。鍋泉。八泉水入運。伏秋汛漲沙淤。每年冬挑挖。接

前至侯遷牐。隄堰高阜前無工程運河西岸接前。衙按謂至頓莊牐高阜

並無工程全漕運道圖。嶧縣頓莊牐。乾巽向。自丁廟牐至此八里。衙

按萬里雲程作鄧莊牐。並云第五十一牐。皇朝通志又東。經

嶧縣南境。有巨龍河。自費縣來會。水道提綱。韓莊又東。經嶧縣

南境。為得勝張莊萬年丁廟頓莊五牐。有巨龍河北自縣城來

南注之。巨龍河東北出費縣西南境山中西南流六十里折而西而南經嶧縣城西南會諸小水又折東南流五十里

至頓莊東大泛口西入蓮河嶧縣西北有石池泉十里泉滄浪泉皆合此河衙按石池泉當是石室許池兩泉之訛

四里。左岸大泛口。嶧縣而西谷及爲丁廟嶧谷左泉嶧嶧八里夫嶧中

全漕運道圖說四省運河圖說大泛口泉河發源嶧境有許池

十里滄浪南山石室等五泉之水入河濟運。徇按水程細數單

作大楓口全漕運道四省運河兩圖頓莊牖東運河北岸有大

泛口頓莊牖西丁廟牖東有針溝口丁廟牖西有賈家溝皆此

水也是爲承水。詳丁廟牖條山東運河備覽由侯遷牖至頓莊牖水

口六西岸朱家橋微水長流向有潦泉由橋下入運東岸大泛

口山河來自縣西滄浪許池石室十里等泉距河六十里發源

入運現有水口二寬七丈噴沙激溜時有淤礙又龍家溝微水

江北運程

卷二十四

卑

長流西岸李家溝寬二丈孟家溝寬三丈俱有潦泉微水長流

張家溝寬二丈洞全河備考滄浪泉距縣北八里卽滄浪淵出

車稍山下長一百二十六步至許池泉一里會入石室泉東南

流至泥溝西分兩道一西南五十里至丁廟牖一東南五十里

至大泛口入運許池泉距縣西北十里嶺阜下突出五泉曰珍

珠曰鍋曰篩曰金花曰灰惟灰泉稍濁餘皆清澈可鑿鬚眉南

會滄浪石室二泉東南流至泥溝而伯玉山泉自西北來會同

出大泛口今建石垣於泥溝邊之由馬蘭屯出針鉤口又於馬

蘭屯築垣遏水而西行以濟丁廟牖石室泉距縣八里去許由

泉三十里。長半里。流至泥溝分兩道。一至丁廟。一至大泛口。入運。張公奏議大泛口在侯頓二牖之間。與滕邑彭口同爲要工。轉漕衡湘。筆記辰刻過頓莊。牖少頃。過大泛口。

四里。跨侯遷牖。暉縣

漕運紀程。侯遷牖。明萬曆三十一年建。在臺莊牖西十五里。牖下有月河一道。牖務歸併臺莊。牖夫三十名。泃河廳冊侯遷

牖一座。金門寬二丈二尺。兩岸由身各長二丈一尺六寸。東岸

上雁翅斜長六丈八尺九寸。下雁翅斜長八丈四尺四寸。西岸

上雁翅斜長八丈三尺。下雁翅斜長九丈五尺三寸。兩岸共長

江北運程 卷二十四 望

三十七丈四尺八寸。砌石十九層。高二丈二尺八寸。牖夫二十

八名。臺莊牖官兼管。南至臺莊。牖十五里。明萬曆三十二年

修。四十四年拆修。普律用石漫頂。嘉慶二十年拆修。侯遷牖越河一道。長一百七十丈。搶

修侯遷牖越河一道。長三十四丈。南北兩頭照舊補築土隄。長

二十四丈。中間口門修做防風埽。工長十丈。高一丈。寬一丈六

尺。上加土頂。高二尺。平時東水濟運。一遇盛漲。酌量開放。分洩。

每年鑲修。接前至西可風橋。隄堰高阜。並無工程。西可風橋一座。洩坡水

入運。接前至東可風橋。並無工程。東可風橋一座。引巫山泉水

入河濟運。接前至臺莊牖。並無工程。運河西岸。接前衙按謂至頓莊牖。

侯遷牖。隄岸高阜並無工程接前至臺莊牖上埽工止。隄堰高阜並無工程山東運

河備覽由臺莊牖至侯遷牖水口三東岸金家橋無來源有石

橋西岸花山溝無來源東岸巫山溝。備考作陳家莊發源巫山泉距河

六十里由興福院地北微水入運寬三丈全河備考巫山泉距

縣東南四十五里南流侯遷牖入運全漕運道圖嶧縣侯遷牖

乙辛向自頓莊牖至此八里恂按萬里雲程以侯遷牖為第五

### 十二牖

國朝吳璫李鴻賓疏據運河道詳稱加河廳嶧汎侯遷牖通近大泛口每值山水暴漲急溜撞擊衝淘乾隆四十四年拆

修後迄今三十餘年西岸牖牆金門由身及上下雁翅底樁朽腐根腳空虛牆石坐墊東岸牆石下馬牙梅花等樁悉行

### 江北運程

### 卷二十四

聖

朽斷牆石亦漸欹斜蟄裂金門牖底地平石掀揭椿木破水

損壞兩岸牖背漫頂石均衝揭殘損必須普律拆修連展挑

月河築垣肩水等工共估例價銀一萬三百一十兩一錢並

照成案加幫銀三千一百六十一兩通共例幫二價銀一萬

三千四百七十一兩一錢舊石選用襯裏石十分之五查係

亟應拆修之工按該廳冊造銀數確覈無浮請動支司庫銀

兩趕緊辦理詳請會奏臣等伏查侯遷牖歷年已久牖座通

身損壞洵屬難緩之工所估工料銀兩復加確覈實無浮冒

若不亟為修理非特啟閉維艱且恐牖牆因墊大於漕運有礙自應購備物料運集河干俟回空過竣速為興辦以期不誤來年新運恂按此奏在嘉慶十九年九月六日時吳任河東總河李任副總河

四里。左高廟嶧岸縣

全漕運道圖四省運河圖運河北岸有高廟高廟之西有巫山

泉北來入運轉漕衡湘筆記已刻過侯遷牖少頃過高廟

八里跨河臺莊。插。嶧縣。

漕運紀程臺莊插。明萬曆三十二年建。東距黃林莊五里。北岸進水有巫山泉口。插官一員。插夫三十名。山東運河備覽。由黃林莊至臺莊插。東西兩岸水口四。俱有石橋。無來源。全漕運道。圖嶧縣臺莊插。乙辛向。自侯遷插至此十里。何按萬里雲程。以此爲第五十三插。四里運河圖說。臺莊以上八插。微山湖水小。宜下板嚴閉。水大則洩之。月河皆宜挑挖深寬。居濟一得臺莊等八插。月河皆宜挑挖寬深。使微山湖之水有所洩。則濟甯南鄉及魚臺沛縣徐州之田地。自不至淹沒矣。蓋八插。月河盡皆淤塞。微山湖向出荆山口。由彭家河洩。今則荆山口已淤平。不能宣洩。若將月河挑挖深通。則湖水可洩。必不致泛濫於濟甯魚臺一帶矣。此今日最急之務也。儻微山湖水小。自宜蓄之。濟運八插。仍宜下板嚴閉。不可輕洩。山東運河備覽。自臺莊至韓莊。計八十五里。地勢建瓴。高下相懸。計四丈二尺餘寸。乾隆二十七八年以前。湖水消至七八尺。濟運無多。插插啟閉。尙虞水淺。三十年後。湖水皆至一丈三尺。每患水多。通漕暢放。習爲故常。三十九年。水勢又小。酌議八插啟閉。而運丁輒爲口實。不知水淺下板。自昔已然。否則插座。竟爲虛設矣。張公奏議。臺莊一

江北運程

卷二十四

壘

。插首當扼要。實爲重運咽喉。順治四年。副使蔣鳴玉於上築土城一座。今爲護漕遊擊衙門駐劄之所。一統志臺莊營在嶧縣

東南六十里臺莊插之旁。明萬曆三十四年設巡檢司。并設兵守禦。後裁。本朝順治中築城設遊擊駐此。雍正二年改游擊

爲兗州鎮標中營。而移兗州參將駐此。以衛漕渠。水道提綱頓莊

插。又東爲侯遷插爲臺莊插。嶧縣南境自韓莊東南至此僅七

置插凡八。蓋據六里石插未建以前言。自雍正二年於德勝張莊兩插之間增建六里石插。並前八插而九矣。轉漕衡

湘筆記申刻。過臺莊插。月河插。兩岸鎮甚大。北岸居民尤夥。侯

遷插臺莊插俱沒水中。八插河道自韓至臺計程八十三里半。

### 江北運程

#### 卷二十四

閏

河底暨兩岸多石子。岸少黏土。犁楸頗朽。鑿河蓋鑿山麓而成。

迦河廳冊臺莊插插官一員。管侯臺二插。侯遷插一座。向按侯

插下可風橋俱遷插及詳上侯遷插條。臺莊插一座。金門寬二丈二尺。兩岸由身各長

二丈三尺。東岸上雁翅斜長七丈三尺。下雁翅斜長七丈二尺。

西岸上雁翅斜長七丈三尺。下雁翅斜長七丈一尺。兩岸共長

三十三丈五尺。砌石二十三層。高二丈七尺六寸。插夫二十八

名。明萬曆三十二年建乾隆九年重修四十八年嘉慶四年補修臺莊插越河一道。長一百四

十丈。搶修臺莊插越河南首防風埽埧一道。長十五丈四尺。高

一丈二尺。寬二丈。上加土頂高二尺。平時束水濟運。盛漲開放

分洩。每年鑲修臺莊。牖下至黃林莊江南交界。隄岸高阜並無工程。運河

西岸。搶修臺莊。牖上防風埽工二段。長八十丈。寬一丈二尺。高

一丈。每年鑲修。搶修臺莊。牖下防風埽工二段。長五十二丈。寬

一丈二尺。高一丈。每年鑲修。接前至黃林莊交界。隄岸高阜並無工程。河

渠紀聞。乾隆三十七年。河東總河姚立德陳奏。東省臺莊至臨

清各牖。啟閉事宜。按東省運河。自韓莊以北。至上至臨清。各牖層

層關束。惟視啟閉得宜。塘水始足浮送。河督姚立德疏稱。東省

四十九牖之中。如韓莊至臨清。有二十二牖。地勢建瓴。啟板溜

急。自應照漕規。一律下板。糧船抵牖。上啟下閉。灌塘打放。其韓

### 江北運程

#### 卷二十四

聖

莊南德勝六里等牖。係微山湖水達江南濟運之路。若下板過  
多。阻截湖水。必致邳宿下游淺澀。應令各牖。祇下底板數塊。船  
到卽啟。以期湖水漫板長流。江省渡黃幫船暢達東境。又如夏  
鎮楊莊珠梅邢莊利建十里荆門上阿城上七級上等牖。俱係  
平水。可以併塘打放。不必嚴密下板。俾糧船少守九牖之板。行  
走較速。其臨清牖外運河無牖。全賴豫省九道堰之水。下注。春  
月插秧尙早。不急需水。河岸凡有旁洩之處。概行築截。使泉源  
丹水悉達衛河濟運。至南旺蜀山馬踏馬場諸湖。前時貯蓄充  
盈。鋪水全用汶流。不須動用湖水。南漕頭幫經由牖河水勢儘

足無庸開放臨湖單牐。俟將來察看果需湖水接濟。再爲次第宣洩。俾濟運諸牐多留一日貯蓄之水。則二三進漕船多得一分灌輸之益。至先期騰空河道以待南漕銜尾而至。尤得疏導之宜也。

五里 黃林莊 嶧縣

恂按嶧縣運道至此止。山東全省運道亦至此止。漕運紀程嶧縣縣丞該管隄垵。北岸有大泛口。在侯遷牐之西。嶧縣承水由此入運。因噴沙爲害。按年大小挑以導之。內有舊石牐泥溝土垵各一道。遏水西由針溝口入運。西岸有臨湖石隄。卽韓莊湖江北運程。

卷二十四

吳

之東隄也。長三十里。石隄以北有土隄二百六十丈。雍正十一年改建石工。張公奏議自韓莊下至各牐及黃林莊止。兩岸河隄俱底寬六七尺。頂寬四五尺。高一丈五六尺不等。漕運紀程山東運河南自江南邳州界黃林莊起。北至直隸吳橋縣界桑園鎮止。共長一千一百四十三里一百二十一步六尺五寸。河

渠紀聞乾隆四十八年四月大學士公阿桂會同東河何裕城東撫明興奏勘運河估辦事宜。按自豫工谷龍後。東省坡水以次就消。湖水亦漸消動。藩司陸燿運河道沈啟震查看運河隄岸。阿桂奉

命自豫來東查辦。疏稱運河隄岸自曲家樓漫水下注。濟甯以南湖河

相連。下則直注八插。上則倒漾至趙村石佛一帶。兩岸隄工淹漫二百餘里。正單各插橋壩俱沈水底。廣籌宣洩始得消退。茲查自濟甯至江境黃林莊計土石隄工通長五萬三千餘丈。出水者二萬八千餘丈。未出水者二萬四千餘丈。民堰通長五萬五千餘丈。未出水者五千一百餘丈。正插二十三。已出水者十二。惟六里石插舊制本低。現與單插橋壩涵洞等俱漫水中。查出水之隄現有高四尺者。照此勘估。概以高出水面四尺爲度。隄底水涸者。用土堅築。隄根積水土方難立者。添估碎石石坦。

江北運程

卷二十四

七

坡各缺口水勢較深者。用排椿鑲埽。魚臺汛東隄加高土頂二尺。以備緯道。西岸排椿工及韓莊古石工仍照舊估辦。再運河正插插底石板損處。及甫經拆修現漫水中之單插橋壩涵洞。均應拆估。舊插下跌有深塘者。酌爲移建。隄內窪處坡水難消者。酌添單插洩水。各插壩應於水中簽椿鋪底。先築圍隄。以便施工。其韓莊大石工。西臨大湖。亦照舊先築圍隄。將根盤堅築。至兩岸民堰統歸官辦。照官隄酌量加幫。與上下隄堰相平。通估需銀六十四萬九千七百餘兩。分派興修。明歲春前一律完竣。概復舊制。

江北運程

卷二十四

吳

會典江蘇水道圖說江蘇省總督治江甯府巡撫治蘇州府  
 在江甯東南江甯之北揚州府淮安府海州其西北徐州府  
 其東北海門廳通州蘇州府之東松江府大倉州其西常州  
 府鎮江府大海當海州東北接山東界東南沿為大浦口  
 連河口又經淮安府東為淮北鹽河口又南黃河入焉又南  
 為射陽湖北串場河南串場河諸口又經揚州府東北通州  
 東為淮南鹽河口又經海門廳東大江入焉又經大倉州為  
 婁江吳淞江口折西南經松江府東南接浙江界黃河自山  
 東東流入境經徐州府北引二水通運河又經淮安府西與  
 淮河會曰清口又東入於海淮河自安徽洪澤湖東北流接  
 淮安府西南境合睢河汴河大成河與黃河會達於海大江  
 自安徽東流入境經江甯府合秦河淮河濉河又經揚州府  
 南鎮江府北合儀徵運河瓜州運河南引三水通徒陽運河  
 又經常州府北合孟瀆河及淮南鹽河支津南引二水通運河  
 又經蘇州府北通州南北合二水南合福山港又經海門廳  
 南大倉州北入於海運河自山東東南流入境經徐州府西  
 南引微山湖及黃河支津西北引東加河西泗河駱馬湖水  
 又經淮安府東出二支津為淮北鹽河又南截河沂淮而東

北復為運河又經揚州府西引寶應湖高郵湖邵伯湖岐為  
 二支東曰瓜洲運河西曰儀徵運河俱入於江其自淮安府  
 揚州府境東出支津十餘瀆為馬家蕩九里蕩大縱湖蜈蚣  
 湖護金蕩支渠交錯皆東入於海運河復自大江南出經鎮  
 江府常州府北引江水南通長蕩湖合西蠡河又經蘇州府  
 合吳淞江婁江南與浙江運河會駱馬湖上源曰沂河自山  
 東南流入境西通武河燕子河芙蓉河北合白馬河墨河匯  
 焉汴河亦自山東南流入境經海州折東流合碩項湖青伊  
 湖水曰漣河入於海新鹽河舊鹽河民便河俱為淮北鹽河  
 北串場河南串場河及揚州府東南通州西北諸鹽河俱為  
 淮南鹽河太湖在蘇州府西南接浙江界婁江吳淞江俱自  
 大湖東出支渠交錯經松江府北大倉州入於海黃浦江為吳  
 淞江支津經松江府仍入吳淞江順隄河自山東東流入境  
 經徐州府注微山湖洪溝河巴溝河俱自河南東流入境注  
 睢河胥河自安徽東流入境張渚河自安徽北流會焉經鎮  
 江府常州府瀆為長蕩湖長興運河自浙江東北流入境經  
 蘇州府注運河斜塘嘉善塘平湖塘諸水亦自浙江東北流  
 入境經松江府注黃浦江北至山東界西至河南界西南至

安徽界東南至浙江界東至海國朝夢麟尹繼善白鍾山  
嵇璜陳宏謀分導山東南江湖河歸海疏湖河之水各有源  
流支派要皆以海爲歸宿若下游去路不通則上游來源必  
壅湖河正身不能容納則田廬卽受漫淹淮徐等處歷年被  
災皆由於此臣等親歷遍勘細考受病之由詳求治節之法  
必使田間坡水層層引導以溝渠以達湖河湖河之水節節  
疏通由尾間水歸大海則源尾並治支幹兼修庶收實效如  
山東與江南接壤之南陽昭陽微山等湖積水未消亟宜宣  
洩在山東僅由湖口插入運江南運河經邳宿桃濤一由楊  
家莊出口會黃一由鹽河插埧會六塘河入海現在運河俱  
屬寬深各牖越河已奏明加展運口如有砂礮淺滯間段應  
溶者並行辦理惟因沂水自盧口旁洩由沙家徐塘二口入  
運過多有阻微山湖水經行之路經臣尹繼善奏明酌辦臣  
等往看沂河源出山東河寬百餘丈行至邳境盧口正流由  
駱馬湖六塘河歸海旁流由盧口埧分注入運祇緣舊埧口  
門寬至八十丈且未築石底年久刷深致旁流過多淹沒邳  
境民田阻礙運河宜洩亟宜籌辦但沂水來源甚夫若遽行  
堵閉不但暴漲全注六塘爲宿桃濤之患儻遇運河水小

# 江北運程

## 卷二十四

吳

無以接濟亦有關係擬將石埧裏頭接長中間祇留口門寬  
三十丈並作碎石埧底以爲節制使沂水多半歸湖祇留二  
三分濟運但目下運河惟患壅滯無需接濟應於盧口建築  
草埧將沂水堵截使涓滴不得入運其邳境沂河向屬寬深  
間有沙淤酌加疏濬兩岸土堰亦爲培修使沂水正流暢入  
駱馬湖由六塘河歸海俾運河宣洩微山湖水得以全力下  
注可望速消至荆山一河原係分洩湖水要路業於小梁山  
內華山茶城開挑引河其有沙積淤灘現於荆山橋上下並  
出水湖口再加疏濬務使暢流入運其荆山橋下游之彭家  
河又經臣夢麟奏准開濬現在趕辦此籌辦微山湖宣導入  
河歸海之情形也又六塘河處駱馬湖下游爲宣導沂水要  
路駱馬湖尾間有引河五道甚暢自引河以下匯爲一河形  
勢窄狹亟宜開寬並將永濟橋酌添十二孔俾湖水暢注六  
塘河內如有間段淤淺及兩岸舊堰殘缺亦應修濬培補又  
六塘河北岸宿遷凌溝向有水口通砂礮河注於沐陽之沐  
河入漣河歸海盛漲散漫波及民田今擬就現有河路開挑  
寬深仍於凌溝酌建埧俾節宣有制又桃源有港河一道  
亦係分洩六塘河會沐入漣歸海淤久應濬亦於河頭建築

滾坻並將汴河舊堰酌加修補使六塘河得有分洩下游可免爲壑之患至六塘河尾在海州地方與鹽河交匯由武障義澤項冲東門白蠟牛墩六里等河歸海口門間有淺阻俱皆疏濬並將鹽河加挑寬深現有洩水各垠減低二尺例應仍歸商辦臣等派官監督俾鹽運洩水兩有裨益惟義澤項冲二河與武障下游同歸北潮河紆回灣曲宣洩不暢查義澤河下游舊有小冲河久淤應行疏通則洩水更爲徑直又東門白蠟牛墩六里等河由六道溝匯入北潮河與武障義澤同歸一路未免壅阻查東門河下游現有五圖河形淤塞應開挑深通俾下游尾閘多一入海之路庶千里長流順勢朝宗無虞橫溢此籌酌六塘河分導沂水入海之情形也以上應開各河道或因舊河淺窄而加挑深寬或因來水寬廣而添籌去路皆係上接鄰省下聯數郡之幹河所當首先興舉其餘一州一邑山泉坡水連界接疆匯而成河必須因勢利導使之水由地中如碭山利民溝永定溝豐縣食城河蕭縣歐邵河爛石河銅山奎河房村河睢甯沈家河白山河邳州武河燕子河艾山河宿遷北岸民便河蔡家牯引河羅家河桃源姜胡窪河清邑包家河民便河郭家河周橋河山

### 江北運程

#### 卷二十四

辛

陽十字河太平河烏沙河安東民便河舊鹽河阜甯穿里河戴家溝河海州高墟河王官口丁家溝等河沭陽分水沙河均係支流關係民田現多淤墊脈絡不通有必須通身開挑者有止須間段疏濬者有疏洩積淤添設牯洞者俱應逐一經理使之入湖入河各有會歸現在督率道府選帶熟諸人員分投確估一面興挑臣等往來督查限年內告成以期積水消滯農民及時播種仰副我

皇上念切痼瘼之至意倘按此奏在乾隆二十二年八月奏上奉硃批覽奏頗得領要但須諸臣無分彼此和衷共濟以免朕南顧之憂仍須實力督催不可草率塞責其共勉之 蘭第錫覆奏江南運河情形疏竊臣等奉

上諭

黃河以南之運河恃洪澤湖匯淮抵黃以濟運而射陽汜光巖

社邵伯諸湖之水匯之黃河以北之運河恃駱馬湖以爲蓄蓄而臺莊牯內諸泉及河成三牯上下蒙沂汶尾諸水匯之向來俱藉以利漕濟運至於大江以南運河則恃江潮往來吐納及太湖以爲蓄蓄而練湖東西汎洩瀉諸水爭流分注匯爲長渠故南北運河數千里漕艘商船均資浮送今諸湖隄堰牯座具存而支河往往不通湖水竟有淤涸非僅一年雨少所致若任其年復一年脈

絡漸不疏通是雨少之年既不能由支達湖以濟運而雨多之年則又湖底淤高支河閉塞難免泛濫於漕運民田大有闕礙將此傳諭薩載李奉翰蘭第錫明興知之並著將如何勘估籌辦之處據實覆奏欽此伏查江南運河自山東交界之黃林莊起至蘇州

計程千有餘里中隔黃河大江運河分爲三道其由支達幹由湖入河情形不同節宣各異如黃河以北之邳宿運河長三百八十餘里雖恃駱馬湖爲蓄蓄而該湖在宿遷之西北承受東省蒙沂白馬諸河之水由阜河池下之王柳二插入運祇能濟運河之下截其自宿遷以上總以東省微山湖來源爲正支本年因臺莊以至河成三插一帶水小不足運行臣等不得已將蘇家山水綫河開放引黃由靳家河等處濟運實屬一時權宜之計原非河工正辦水過不免沙停已飭道廳乘此回空漕船未至測量淤淺疏濬深通並將夢沂諸水之在駱馬湖以上由盧口埧徐塘口沙家河入運各處卽爲堵閉收蓄使來源由隅頭湖而歸駱馬湖並將尾閘五埧堅閉不開以爲蓄蓄濟運之資該湖儘有容水之地支河亦屬通暢惟患來源之減少無處脈絡之不通此黃河以北運河之情形也其黃河以南之淮揚運河自運口起至瓜洲長

### 江北運程

#### 卷二十四

至

三百四十餘里地形北高南下專藉洪澤湖爲來源向慮水大不患水小如今歲洪湖未曾發水實爲多年未有之事運河西岸之寶應汜光高郵邵伯諸湖皆承受本地雨水並洪澤盛漲由山圩五埧分洩之水匯歸於湖各湖遇水大之年由西岸二十四港口入運從東岸南關五里車邏昭關等埧洩入下河湖蕩歸海近年仰蒙

### 睿謨廣

運如遇洪湖盛漲悉由清口東注山圩五埧節宣有制高寶諸湖水勢甚小東岸之南關車邏等埧堅閉不開下河民田永無水患西岸通湖各港因河高於湖俱經堵閉亦不使運河之水分洩入湖惟邵伯池下湖高於河湖水由西岸以內通湖之二河鮑魚各港入運分注金灣六插等處歸江東岸則下河一帶形如釜底常藉運河之水由各插洞分洩下注灌漑民田所有兩岸插座涵洞外高內窪皆以備運河之分洩並不藉支港而入運總因本年雨澤稀少處處湖水小多藉長河之水分潤以致運道淺滯非湖深而支河不通亦非湖淺而容納無地此淮揚一帶運河祇有分洩之路並不藉旁湖支港濟運之情形也至於大江以南之運河則恃江湖爲吐納以太湖爲來源自鎮江以至蘇州兩岸支河汊港

訓示

本多然支港之深淺亦與運道相平。高下不甚懸殊。本年因大湖來源不旺。江潮亦小。夏秋之間。兩岸民田車水灌漑。晝夜不停。以致運河水勢。日淺。而無錫陽湖交界之五牧落社一帶。地勢稍高。水落更覺露淺。約長四千丈。應行挑挖。臣等與撫臣閔鶚元派員勸估。並督令該地方官。剋期興工。趕緊挑濬。一律深通。以便商賈往來。並空重糧船行走。此外如練湖。汎洮諸水。凡有幹支。可通應行疏治。可以導引入運者。俱在勘籌辦理。此又大江以南。運河之情形也。統俟各道委員勸覆到日。臣等再與撫臣將籌辦事宜。分別奏請。

按此奏在乾隆五十年。從經世文編錄出。續行水金鑑亦載此疏。以為是年八月。薩載李奉翰奏。時蘭任東河。薩任江督。李任南河。當以薩李為是。吳邦慶疏論。嚴按黃林莊誌。椿為湖板。政閉定則以樽節。徵湖蓄水。條運河自韓莊以北。全賴汶源。韓莊池南直抵河口。則藉徵湖宣洩。中間雖有細流小港。名為濟運。皆不甚得力。故定制徵湖收水。以一丈二尺為度。緣韓莊以下。運河惟資湖水灌注。涓滴不可妄耗。自韓莊南抵臺莊。相距八十餘里。遞低四丈二尺餘寸。勢如建瓴。專恃牖座層層擎托。按時啟閉。以資浮送。惟江境河成。牖以

江北運程

卷二十四

五

南地勢平衍。河流散漫。易致淺阻。專望湖水接濟。然每啟一板。入牖添水。尺許。江境淺處。僅增一二寸不等。即使湖水收足。儘量鋪注。亦難使平漫之河。成暢通之勢。是以乾隆五十四年。江南山東會議。以黃林莊誌。椿中泚水深五尺。為度。如不敷五尺。加河廳酌啟湖板。如逾五尺。即下板樽節。立法至善。奈近年有當漕船入境。意圖速行。而多為鋪注者。有因下游淺甚。不得不量為啟板者。致湖水愈耗。雨澤優渥。尚可支持。一遇早乾。即形竭蹶。不得不多方籌備。皆由不守舊章。名為通融。致多貽累。現今回空時。查驗誌椿。已深五尺六寸。下流仍未暢通。湖板十二塊。除早板二塊。不計外。已亮板六塊。欲為暫閉。則江境更淺。任其日夜洩注。則底水益少。啟閉兩難。是其明驗。請飭江南山東河臣。嚴飭廳汛。務守成規。當挑工甫竣。頭進重船。抵境鋪水。總以黃林莊誌。椿水深五尺。為度。如不敷數。加河廳啟板。如已逾五尺。即下板樽節。在東省廳員不得通融。啟放。而江境廳員亦不得希冀逾分接濟。不勤挑挖。如有不按定制。妄行啟閉。臣等查出。立參。庶各廳汛凜遵湖水涓滴成歸。實用何按。此奏在嘉慶十四年。任巡漕給事時。奏上。交陳鳳翔吉綸。實力查辦。陳鳳翔吉綸疏。吳

邦慶所奏按照誌椿啟閉湖水一條最為緊要年來收束湖水不符定誌今歲夏秋缺雨短絀尤甚湖水現存四尺九寸自韓莊至臺莊八十餘里勢雖建瓴河槽尚可停蓄一入江境河面較寬地勢平衍中無河槽則水無歸束以入牖一尺之水遞至江境祇有二三寸必須將邳宿一帶河槽挑挖深通庶重運回空不致膠淺向來東南兩省定議黃林莊誌椿鋪水以五尺為度啟放湖水時兩省委員在彼丈量尺寸糧艘北上儘可暢行近照舊誌鋪水而南糧頭進甫入江境即虞阻淺是河底淤高之明驗若不啟板接濟糧艘又窒礙難行殊不知微湖水無來源務宜搏節為全漕之計今祇顧目前一經淺阻即移咨啟板以有限之水供無窮之用前既耗費則後難增添所以重運回空均為遲滯也查江境地勢既高兼形淤墊邳宿一帶若不挑濬河槽即湖水充盈難期順暢愚昧之見在山東劉蓄水為先在南河則挑河為急東境若不蓄水雖挑挖河底難利遄行江境若不挑河雖湖水充盈亦形淺滯此二者係漕運關鍵利害相因者也倘按此奏在嘉慶十四年十二月陳任東河吉任東撫吳邦慶疏黃林莊誌椿

江北運程 卷二十四

五

旨交山

前奏請照舊制以中泓水深五尺為度業經奉

東河臣無臣照辦今江南河臣咨會以誌椿不足為據應於鋪水時將下游鋪足五尺再行簽釘誌椿又稱湖水挾沙下注即挑濬深通每為流沙停滯此後遇重船沙阻應量啟湖板浮送等語查誌椿原係兩省公定使東省不得吝惜湖水致下游淺阻江境亦不得恃有湖水而不認真挑挖立法至當故可久行至各進幫船到境查照向例徵山湖口所留漫板水尺寸俾足浮送惟在邳宿一帶挑深與東境臺莊下河槽一律相平自無貽誤若輕事更張誠恐兩省廳員通融接濟任意啟放耗洩致湖水先盈後絀於漕船重行走關係匪小臣即咨會山東江南河臣仍照舊制俟工竣鋪水時先釘誌椿再行鋪水其漫板水請亦照向例辦理無庸更議以期湖水漕船兩有裨益倘按此奏在嘉慶十五年二月十一日疏入十七日奉

上諭

吳邦慶奏接據南河咨會以黃林莊誌椿不足為據應於鋪水時先將下游鋪足五尺再行簽釘誌椿並此後遇重船沙阻應量啟湖板浮送等語此不過豫為邳宿一帶淺阻地步黃林誌椿自應於工竣鋪水之時先行簽釘再為如式鋪水其漫板水誌亦應

查照向例辦理以杜兩省推諉之弊。吳璣徐端疏舊制黃林莊設立誌椿原以杜兩省推諉之弊。前因誌椿易於挪動復於河清牖石牆上用紅油劃記彼此不能挪移亦係兩省公同看定現遵。

諭旨黃林莊誌椿照舊辦理俟鋪水後並將河清牖石牆劃記兩省委員驗明與黃林莊比較總以水深五尺爲度儻不及五尺應否酌加漫板臨時請

旨遵行

倘按此奏在嘉慶十五年二月二十六日。陳鳳翔疏上年係二月初九日開放湖口大堤今歲邳宿運河認真挑挖自

需時日茲臣會同巡漕臣吳邦慶謹擇四月初一日開放湖口大堤兩省委員欽遵

諭旨

簽釘誌椿如式鋪水照例以黃林莊誌椿水深五尺爲度雖開

堤較上年遲五十餘日而湖水充裕運道深通南糧進牖即可連橋北上以牖內之迅速補牖外之遲延向可依限抵通。倘按此奏在嘉慶十五年三月二十八日。程虞卿黃林莊買舟南下寄懷王用軒京師詩看花走馬願多違南下孤帆細雨飛最是關心王季友天涯貧病不成歸

江北運程

卷二十四

五

右自朱姬莊起至黃林莊。泲河行嶧縣境計程一百一里。下入江南徐州府邳州界。倘按漕運全書嶧縣險隘處所凡九十九曰葛墟店。曰官路口。曰劉家口。曰韓莊牖上越河頭。曰牖窩。曰牖下越河尾。曰滾水堤。曰望湖亭。曰觀音堂。曰乾溝口。曰八里溝。曰九里溝。曰十里溝。卽龐家渡曰十一里溝。曰雞心洲橋。曰頭調灣。曰雞心溝。曰二調灣。曰雞爪溝。曰三調灣。曰疊路口。曰德勝橋。曰牛山泉。曰德勝牖上越河頭。曰牖窩。曰牖下越河尾。曰三里溝。曰大塌發崖。曰小塌發崖。曰趙家溝。曰六里石牖上越河頭。曰牖窩。曰牖

下越河尾曰四里溝。曰埝工頭。曰一里溝。曰巨梁橋。曰張莊。牖上越河頭。曰牖窩。曰牖下越河尾。曰王家溝。曰張家林。又名三里莊。曰小三灣。曰舊牛山泉。曰磨盤嘴。曰萬年牖上。

越河頭曰牖窩。曰牖下越河尾。曰對溝。曰萬年倉。曰劉家溝。曰龍王泉。曰稽家溝。曰花石廠。曰賈家溝。曰蔣家溝。曰丁家廟。牖上越河頭曰牖窩。曰牖下越河尾。曰馮家莊。曰孫家莊。曰彭家莊。曰榆樹溝。曰黃家河。曰金溝。曰針溝。曰頓莊。牖上越河頭曰牖窩。曰牖下越河尾。曰孟家溝。曰張家溝。曰李家溝。曰龍家溝。曰大泛口。曰場發崖。曰朱家溝。

江北運程

卷二十四

壘

曰侯遷。牖上越河頭曰牖窩。曰牖下越河尾。曰石灰窯。曰高廟。曰馬家溝。曰閭家淺。曰楊家橋。曰長灣頭。曰馬家灣。曰屠家莊。曰龍王廟。曰西可風橋。曰東可風橋。曰當典後。曰臺莊。牖上越河頭曰牖窩。曰牖下越河尾。曰青龍橋。曰乾石橋。曰高隄頭。曰王家莊。曰黃林莊。堡樓并言。嶧汎地勢建瓴。河水湍急。處處危險。又按河防志。嶧縣河道。北自邳州黃林莊止。計長九十八里。較水程細數。單縮三里。萬里雲程。朱姬莊五里。界牌十里。韓莊。牖四里。汗溝四里。入家溝四里。龐家渡十二里。得勝。牖六里。六里石牖。六里。鉅梁橋。牖六里。萬年。牖十二里。丁廟。牖六里。鄧莊。牖八里。大泛口。二里。侯遷。牖六里。高廟三里。梁家淺三里。臺莊。牖五里。黃林莊計自朱姬莊至黃林莊共一百二里。較水程細。

數單贏  
一里  
四終

江北運程

卷二十四

美

江北運程卷二十四終

